

## МЕСЯЦА АВГУСТА В 16-й ДЕНЬ

От Едеса пренесение в Константинь град  
Нерукотвореннаго образа Господа нашего  
Иисуса Христа, рекше святаго убруса

НА ВЕЧЕРНИ

На Господи, воззвах: стихиры на 6, Успения 3 и  
образа 3.

### Стихиры Успения, глас 2.

Подобен: К ѡими похвальными:

**К** ѡими недостойными устнами / ублажим Богородицу? / Честнейшую твари / и святейшую сущу Херувим и всех Ангел, / престол царский недвижимый, / дом, в немже вселися Превышний, / спасение мира, / Божие священство, / подающую верным / в Божественней памяти Ея / богато велию милость.

**К** ая страшная пения, / яже принесоша Ти тогда, Дево, / окрест Твоего одра стоящи, / вси яже Слова апостоли? / И ужасне вопиюще: / отходит Царева палата, / возвышается кивот священства; / двери, возмитеся, / яко да Божия дверь внидет в радость, / миру непрестанно просящи велия милости.

**К** ая духовная пения ныне принесем / Тебе, Всесвятая? / Безсмертным бо успением Твоим / весь мир осватила еси / и ко премирным прешла еси, / доброту разумевати Вседержителя / и Сему якоже Мати срадоватися, / ангельским Тя чином дориносящим, Чистая, / и душам праведных. / С нимиже проси нам мира / и велия милости.

### **Ины стихиры образа, глас и подобен тойже:**

**К**йима, земнороднии, очима / воззрѣм на образ Твой, / егѡже ангельская воинства зрѣти удѡбь не мѡгут, / свѣтом Божѣственным блистающаго? / Отходит бо от земли неверных днесь / и к граду Царствующему и благочестивым людем приходит / Божѣственным манием, / на егѡже восхождѣние являються царие, / припадающе сему со страхом, Христѣ, и верою.

**К**йими, земнии, осяжем образ Твой, Слове, дланьми, / осквернены грехми, / безгрешнаго Бога нашего, / Иже во оскверненых неприступнаго? / Покрывают Херувими очеса, трепещуще, / не терпят Серафими зрѣти славы Твоея, / страхом Тебѣ работает тварь. / Да не убо осудиши нас, / недостойне Твой зрак, Христѣ, / с трепетом целующих верно.

**П**аки Владычняго торжества / настѣ Божѣственный день: / се бо в Вышних Седяй / ныне яве нас посетит / честныя ради Егѡ иконы. / Иже в Вышних Херувимы Сый Невидимый / зрится писанне, имже уподобися, / перстом пречистым Отчим изображен неизреченно, / по подобию Того. / Ейже верою и любовью поклоняющеса, освящаемся.

### **Слава, глас 8:**

**Ч**еловеколюбче Владыко, / велика Твоего смотраения бездна: / в роды бо родов Твое благодетельствуя создание, / пречистаго Твоего лица зрак изобразив, / Авгарю верному послал еси, / возжелавшу Тя видети, / по Божеству Херувимы невидимаго, / яко Твой образ зряще, / нас ради воплощшагося и пострадавшаго волею. / К Твоей любви распалаемса, / юже на нас излия великия ради Твоея милости.

### **И ныне, глас тойже:**

**Д**евичести лицы / днесь тайно одру Девы и Матере окрест предстоят, / и души праведных, обступивше, Царицу славят. / Ови убо яко дар девство вместо мира приносят, / ови же невещественное пение с добродетелию приносят, / подо-

баёт бо Матери Божии яко Царице / царскими добродетельми светлосияющими дориноситися. / С нимиже и мы, житие чистое совнесше, / изыдем к погребению сущия Матере Бога нашего, / пеньми и песьными духовными / согласно Ю ублажающе.

### На стиховне стихиры Успения, глас 4.

Подобен: Дал еси знамение:

Не колесница огнезрочная / от земных Тя представи, / якоже Илию праведнаго, / но самое Солнце Правды, / на руку Своею пресвятую Твою душу / яко непорочную прием, в Себе упокои / и, преславно Тя, Чистая, представив, почте, / в радости паче ума.

**Стих:** Воскресни, Господи, в покой Твой, / Ты и Кивот святыхни Твоея.

Приидите, о празднолюбцы! / Божия Матере днесь святое преставление светло совершим: / в руке бо истинно от нетленного Отца возсиявшего पहले / и напоследок из утробы Ея / Божественную и пречистую душу предаде, радующийся, / Иисуса Бога нашего, / и молит спастися нам.

**Стих:** Клятятся Господь Давиду истиною / и не отвержется ея.

Чудо преужасно: / Яже во утробе невместимаго Царя носившая / во гробе полагается, / и ангельстии собори со апостолы со страхом погребают / Той богоприятное тело и честное, / и, сие возвысив, на Небеса возведет / Иисус, Сын Ея / и Спас душ наших.

### Слава, глас 6:

Господи, воплотился еси, якоже восхотел, / изволил еси восприняти нищету нашу / и богатство благосердия показал еси, / имже мя, персть, обожил еси. / Славим Тя, Человеколюбче, / смотрения образ видяще зрака Твоего, / сим невозбранно во Едем вход, Спасе, даруй рабам Твоим, / презирая вся прегрешения.

### И ныне, глас 8. Леонта деспота:

Уверяя Иисус, Сын Твой, Богородице, и Бог наш / два естества Своя, / яко убо человек

умирает / и якоже Бог востаёт. / И Тя, Богомати, законом естества умрети благоизволи, / да не неверным привидение мнится смотрение, / прешла бо еси к Небесней стране, Небесная Невесто, / яко от чертога селения Твоего от земли взята. / Освятися воздух восхождением Твоим, / яко просветися земля рождеством Твоим, / предпосылают апостоли, и Ангели подъемлют. / Темже, погребше пречистое тело Твое / и надгробное пение воспевше, / ужасно зряху и со страхом глаголаху: / сия измена десницы Вьшняго, / Той бо посреди Тебе, и не подвижешися. / Но, о Многопетая Мати, / не отступай, нас назираючи: / мы бо люди Твой и овцы пажити Твоея, / и имя Твое призываем, / просяще Тебе ради спасения и велия милости.

### Тропарь, глас 2:

**П**речистому Твоему образу поклоняемся, Благий, / просяще прощения прегрешений наших, Христэ Бóже: / волею бо благоволил еси плотию взыти на Крест, / да избавиши яже создал еси от работы вражия. / Тем благодарственно вопиём Ти: / радости исполнил еси вся, Спасе наш, / пришедый спасти мир.

### Слава, и ныне, праздника, глас 1:

**В** рождестве девство сохранила еси, / во успении мира не оставила еси, Богородице, / преставилася еси к животу, Мати сущи Живота, / и молитвами Твоими избавляеши от смерти души наша.

### НА УТРЕНИ

**На Бог Господь: тропарь образа, дважды. Слава, и ныне, праздника Богородицы.**

### По 1-й кафизме седален, глас 1.

Подобен: Гроб Твой:

**Б**лагодать Твоя, Спасе, на нас излийся, / видиму бывшу Тебе, Непостижимо, и прелести тьма угасе, / тем во свете лица Твоего стопы наша направи, / да в заповедех Твоих ходяще, Тебе сподобимся узрети, / Свете Неприступный.

**Слава, и ныне, праздника, глас 4.****Подобен:** Удивися Иосиф:

**З**ряще воистинну ангельская воинства преставление Твое, / Пресвятая Владычице Чистая, Благословенная Всепетая Богородице, / имуще волею рожденна из Тебе, / лик ученик собравшися, с веселием ношаху честное в рай тело Твое, / Христа поюще, Живодавца суща во веки.

**По 2-й кафизме седален, глас 5.****Подобен:** Собезначальное Слово:

**С**обезначальный Сын Отцу, и превечный, и невидимый существом, и неосязаемый, / под летом быв за милость неизреченную, / описанныя плоти Твоея, Владыко, нам остави сладкое изображение, / на спасение душам нашим.

**Слава, и ныне, праздника, глас 4.****Подобен:** Удивися Иосиф:

**В** руке нас ради вочеловечшагося из Тебе предавши душу, яко Зиждителю Твоему и Богу, / к жизни нетленней представилася еси. / Темже Тя честно ублажаем, едину Чистую и Нескверную, / и Богородицу вси истинно исповедающе, взываем: / Христа моли, к Немуже представилася еси, спасти души наша.

**Канон праздника Богородицы со ирмосом на 6 и образа на 6.**

**Канон Богородицы, кир Космы, глас 1.****Песнь 1**

**Ирмос:** Преукрашенная Божественною славою, / священная и славная, Дево, память Твоя / вся собра к веселию верных, / начинающей Мариаме, с лики и тимпаны, / Твоему поющая Единородному: / славно яко прославися.

**Д**а провождают невещественнии чинове / небошественное в Сион Божественное тело Твое, / внезапно же стекшися апостол множество от конец, Богородице, Тебе предсташа абие, / с нимиже, Чистая, Твою честную, Дево, память славим.

**П**обедныя почести взяла еси на естество, Чистая, Бога рождши, / обаче же, подобящися Творцу

Твоему и Сыну, / паче естества повинуешися естественным законом. / Темже умерши, с Сыном востаеши вечною.

**Канон образа, егже краегранесие:** Напечатаннаго Твоего, Спасе, зрѣния почитаю. **Творѣние Германа патріарха, глас 6.**

### Песнь 1

**Ирмос:** Яко по сѹху, пешешествовав Израиль, / по бѣдне стопами, / гонителя фараона / видя потопляема, / Богу побѣдную песнь поим, вопиаше.

Плѣтски изобразитися по нам, Иже прежде Безплѣтный, благоволеніем Отчим, / не отверггися зрака, дарова нам Божественное изображеніе.

Неизмѣнное естество, Отчий предел известнейший, / в человеческую плоть пришедый, / свойства на земли оставил есть нам возшедый на Небеса.

Колѣблемое лѣстію сопротивных достояніе Твое оправдал еси, Христе, / честными Твоими сию утвердив страстьми и зрака изображеніем.

Подобаше принестися к Царствующему всеми грады / Небесе и земли Царя образа начертанию, / еже он, воплощѣйся самодѣтельно, омочил есть / царя и христоролюбивых поспешенми.

**Богородичен:** От чистых Твоих ложесн преестественне плоть заимствовавый, / Иже всем подай еже быти человеком, Пренепорочная, видяшеса, / не отступль, идеже бе первее.

**Катавасія праздника:** Преукрашенная:

### Песнь 3

**Ирмос:** Содѣтельная и содержительная всех / Божия Мудросте и Сило, / непреклонну, недвижиму Церковь утверди, Христе, / един бо еси Свят, / во святых почиваяи.

Жену Тя мертвенну, но паче естества и Матерь Божию / видевши, Всенепорочная, славнии апостоли / ужасно прикасахуся руками славою облистяющей, / яко богоприятное Селеніе видяще.

Постыже рuce досадительныя дерзаго, усеченіем суд нанес, / Богу сохраняшу честь одушевлен-

ному Кивóту, славою Божества, / в Нёмже Слово плоть бысть.

### Ин

**Ирмос:** *Несть свят, / якоже Ты, Господи Бóже мой, / вознесый рог вёрных Твоих, Блаже, / и утвердивый нас на камени / исповедания Твоего.*

Одёждею добродетелей одёял еси, Спасе, честную Цёрковь, / подвигнув царёво сёрдце за щение взыскати Твоего подобия.

Обнажити хотя добрая и временем умалити, / иже зависти родитель рукам скверным сия предаде безстудне, / но обличився, все помышляя.

Свётло радовашеся иногда Давид, ликуя пред кивóтом святым, / и ныне скиптры приём управляти царския / множае радуется Божественному изображению.

Тебе, создавшему человека по образу первее, / во еже вообразился еси абие за милосердие, / тем приёмша Тя воистинну подобие неизменное, / со Ангелы, Христэ, славим.

**Богородичен:** *Из корене всяко отсеци праотца хотяй, Твой Сын, Дёво, / прозябшее преслушание, / из чрева Твоего, Чистая, приёмлет все человеческое.*

### Кондак праздника, Богородицы, глас 2:

**В** молитвах Неусыпающую Богородицу / и в предстательствах непреложное упование / гроб и умерщвление не удержаста: / якоже бо Живота Матерь / к животу престави / во утробу Вселившийся приснодевственную.

### Икос:

Оградí мой помышления, Христэ мой, / ибо Стену мира воспети дерзаю, Чистую Матерь Твою, / на столпе глагол укрепí мя и в тяжких мыслех заступí мя, / Ты бо взывающим и просящим верою моления исполняеши. / Ты мне úбо даруй язык принесен и помысл непостыден: / всякое бо дающие сияния от Тебе низпосылается, Светоподателю, / во утробу вселившийся приснодевственную.

## Седáлен образа, глас 1.

Подóбен: Гроб Твой, Спа́се:

**Едесский царь** всех Царя, не ски́птры, ниже вóи, / но мно́жества чудес слóвом изнасящаго, познав Тя, моляще: / богочеловéчное к себе полу-чѣти, / во образе же, яко узрѣ Тя, взываше: / Бог Ты и Господь.

### Сла́ва, и ны́не, пра́здника, глас то́йже.

Подóбен: Ка́мени запеча́тану:

**Лик Божественных апóстол** собра́ся погребсти́ Тя пречестно, Богородице Всечѣстая, / с нѣмиже и а́нгельстии чѣни воспѣваху прѣставлѣние Твое, взывающе прехва́льно. / С нѣмиже и мы, любóвию играюще, Чѣстая, / хвалу́ Тебѣ приносим, гла́сы пѣсенными, вѣрнии, и вопиѣм: / раду́йся, Прѣдста-тельница присночтущих Тя.

## Песнь 4

**Ирмос:** Рѣчи проро́ков и гада́ния / воплоще́ние прояви́ша от Дѣвы Твое́, Христѣ: / сия́ние блиста́ния Твоего́ во свет язы́ков изы́дет, / и возгласѣт Тебѣ бѣздна с весѣлием: / си́ле Твое́й сла́ва, Чело́веколю́бче.

**Ви́дите, лю́дие, и чудѣтѣся:** / Горá бо святáя и я́вственная Бо́гу в Небѣсныя обѣтели прѣвѣшше взѣмлетѣся, / Не́бо земно́е в Небѣсное и нетлѣнное селѣние вселя́емо.

**Жѣзни присносу́щныя и лúчшия смерть Твоя́** бысть прѣхождѣние, Чѣстая, / от приврѣменныя к Божественней воистинну и непреходѣмей прѣставляя Тя, Чѣстая, / в весѣлии Сы́на зрѣти Твоего́ и Го́спода.

**Взя́шася двѣри Небѣсныя, и А́нгели воспѣша,** / и прѣят Христос дѣвства Свое́й Матѣре сосúд; / Херувѣими подъя́ша Тя с весѣлием, / Серафѣими же сла́вят, раду́ющѣся.

## Ин

**Ирмос:** Христос мо́я си́ла, / Бог и Господь, / честна́я Цѣрковь / боголѣпно поѣт, взыва́ющи, / от смѣсла чѣста о Го́споде пра́зднующи.

**Сладкое úбо со́лнце, озаряющее очеса́,** / сладчайшее же зрѣние Твоего́, Христѣ, подóбѣя, / яко то úбо чýвственная, сѣ же úмная светозаря́ет.



**Крѣпость** оскудѣ исмаильтеская: / десницы бо оружія Крѣстнаго все ограждѣние / державномудреннѣй царь в своѣй землі положи.

**Князи** вси и судий землі, благословіте Христа, / с первосвященники, и святители днесь, и всеми людми, / Того зрѣнія сподобльшиися.

**Богородичен:** Соблюденну быти Твоему граду, Пречистая, / невреждимо от нашествія варварскаго молися, молимся, / се бо колико нань наветницы созидают.

### Песнь 5

**Ирмос:** Божію и неизреченную доброту / добродетелей Твоих, Христѣ, исповѣм: / от Присносущныя бо Славы / Соприсносущное и Ипостасное возсиявый Сіяние, / из девственныя утробы / сущим во тьме и сѣни воплощся, / возсиял еси Сѣнце.

**Яко** на облаце, Дѣво, апостольскій лик носимъ, / к Сиону от концѣ служити Тебѣ, Облаку легкому, собирашся: / от Неяже Вышний Бог сущим во тьме и сѣни Праведное возсия Сѣнце.

**Труб** богоприятнии язъцы богословных мужей благогласнейше Богородице вопияху, / исходную возглашающе песнь Духом: / радуйся, нетлѣнный Источниче / Божія живоначальнаго и спасительнаго всем воплощѣнія.

### Ин

**Ирмос:** Божиим свѣтом Твоим, Блаже, / утренюющих Ти души любовью озари, молюся, / Тя ведети, Слове Божій, / истиннаго Бога, / от мрака греховнаго зывающа.

**Мал** Тебѣ град приятелище дрѣвле предуготова, Христѣ, / егѣже Фаддѣя пришествіе недуг прменяет, и руки Твоея писание, / и Божественное напечатание лица Твоего.

**Благодатей** Твоих дарованія, Христѣ, преумножишася: / яже бо первее Едеса недрствовавши хваляшся, / новыи же приѣмши Рим радуется.

**Очи** Господни на праведныя люди / и уши на молитву людей благочестивномудрствующих, / чтущим Егѣ подобіе благолѣпно самописанное.

**Богородичен:** Уста́ви, Де́во, враго́в настоя́ния ча́стая, / разруши́ сове́ты их, досто́янию Твоему́ помози́: / зри́ши бо, я́ко отча́яхомся, озло́бленнии.

### Песнь 6

**Ирмо́с:** *Морский пучинородный китов внутрен-  
ний огонь — / триднѣвнаго Твоего погребѣния про-  
ображѣние, / егѣже Иѣона пророкъ показася. / Спа-  
сен бо, я́ко и предпослася, неврежден, вопияше: /  
пожру́ Ти со гла́сом хвалѣния, Гѣсподи.*

Даѣт Тебѣ я́же превѣше естества́ Царь всех  
Бог: / в рождествѣ бо Де́ву я́коже сохрани́, та́ко во  
гробѣ тѣло соблюде́ нетлѣнно / и спросла́ви Божѣ-  
ственным преста́влѣнием, / честь Тебѣ, я́ко Сын  
Ма́тери, да́руя.

Воистинну́ Тя, я́ко свѣтел свѣщник невестествен-  
наго Свѣта, / кади́льницу злату́ю Божѣственнаго  
У́гля, во Свята́я святѣх всели́, / рѣчку и жезл,  
скрижа́ль богопи́санную, ковчѣг святѣй, / трапѣзу  
Слѣва жи́зни, Де́во, Рождество́ Твое́.

### Ин

**Ирмо́с:** *Ят бысть, / но не удержан в персех  
китовых Иѣона: / Твой бо образ нося, / Страда́вшаго  
и погребѣнию да́вшагося, / я́ко от черто́га, от зве́ря  
изы́де. / Приглаша́ше же кустодии́: / храня́щи  
сѣетная и ло́жная, / мѣлость сию́ оста́вили естѣ.*

Красне́йший добро́тою, Спа́се, па́че всех сыно́в  
человѣческих: / а́ще бо ни видѣния има́ше, ниже́  
добро́ты во вре́мя стра́сти, / но сѣщим вся просве-  
ща́ше и явля́ше Твоего́ зра́ка видѣние. / Егѣже  
подобия на обетшавшем рѣбе изображѣние, / я́ко-  
же сокрови́ще, нам дарова́ся.

Кре́пости, нанесѣнныя от агарянскаго мно́же-  
ства, / я́коже от иноплемѣнных кивѣт Изра́илю  
но́вому, / лица́ Твоего́ ны́не к сему́ даде́ изображе́-  
ние Твое́, Христѣ, и сла́ву, ю́же стяжа́: / ниже́ бо  
подобаше́ лже, свята́я псом предпомета́ти.

Неведу́щу о ца́рствии Твое́м Небѣснем, / к нему́-  
же нас, Благо́й, из тлѣнных и до́лу лежа́щих возвел  
еси́, / И́же невестественными Херувими́ непристу́-  
пен, снизше́л еси́ да́же до а́да, / Твоего́ апо́стола ко  
А́вгарю, Христѣ, послал́ еси́, та́инство умудря́юща.

**Богородичен:** От кре́пости руки́ Твоея́, Спа́се,

нѣне остах аз: / но раны Твоя удалѣл еси от мене  
 молитвами неискусобратно Рѡждшия Тя, Слово, /  
 да не оставиши мене бурею греховною  
 погружати / и лѣте плавати, Едине Избавителю.

### Кондакъ, глас 2.

Подобен: В молитвах:

**Н**еизреченнаго и Божественнаго Твоего к чело-  
 веком смотрения, / неописанное Слово Отчее, /  
 и образ неписанный, и богописанный победите-  
 лен, / вѣдуще неложнаго Твоего воплощения, /  
 почитаем, того лобызающе.

### Икос:

**У**веряя человеком Господь вочеловечения Сво-  
 его тайну ужасную, / самописует богомужный  
 Свой образ на убресе, / и первообразное убо  
 вознес от горы Елеонския, / на престоле спосаждает  
 Отчи, поклонятися от безтелесных Ангел. /  
 Подобию же первообразнаго нам дарова поклоня-  
 тися: / Егоже объемлюще душею же и сердцем, /  
 почитаем, того лобызающе.

### Песнь 7

**Ирмос:** *Безстудней ярости же и огню / Божественное желанье сопротивляясь, / огонь убо орошаше, / ярости же смеяшесь, / богодохновенною словесною преподобных тривещанною цевницею / противовещая мусикийским органом посреди пламене: / препрославленный отцев и наш Боже, благословен еси.*

**Б**огодѣланныя скрижали Моисей, писанныя Бо-  
 жественным Духом, яростию сокруши, / но сего  
 Владыка рождшую неврежденну в Небесныя сох-  
 рань домы нѣне внутрь всели. / С Нѣю играюще,  
 вопиѣм Христу: / препрославленный отцев и наш  
 Боже, благословен еси.

**В** кимвалех — усты чистыми, мусикийски же —  
 сердцем светлым, / доброгласною трубою —  
 высокою мыслию, / Дѣвы и Чистыя в нарочитый  
 избранный день преставления, / дѣтельными плещу-  
 щие руками, вопиѣм: / препрославленный отцев  
 и наш Боже, благословен еси.

**Б**огомудрии, соберитесь, людие: / Божия бо славы Селение от Сиона представляется к Небесному жилищу, / идеже глас чист празднующих, / глас несказаннаго радования, и в веселии вопиющих Христу: / препрославленный отцев и наш Боже, благословен еси.

### Ин

**Ирмос:** *Отроцы в Вавилоне / пещнаго пламене не убояшася, / но, посреде пламене ввержени, орошатели, пояху: / благословен еси, Господи Боже отец наших.*

**Г**лаголом убо всяку болѣзнь, Слове Божий, отгнал еси, по земли ходяй, / но, ко Отческому престолу восходяй, / изображением исцеляеши нашу болѣзнь.

**С**ловом всяческая создавый и вообразя в чуждее, / зрака Твоего оставил есть нам свойственная, / яже подъемлюще, в радости веселимся.

**О**т всея души поискав свойства Твоего напечатание верный царь, / якоже искаше, тако и получи, Господи, / взаим обрет Божественнаго желанія исполнение.

**К** Боговидению очи уготовим / и достойно потщимся видети образ Христов всечестный во спасение наше.

**Богородичен:** *Осуждения древняго разрешися человечество Рождеством Твоим: / Тя бо, едину небес ширшую, обрет, Всенепорочная, / Бог в Тя вселися.*

### Песнь 8

**Ирмос:** *Пламень, орошающ преподобныя, / злочестивыя же попаляющ, / Ангел Божий всемогущный показá отроком, / живоначальный же источник содела Богородицу, / тлю смѣрти и живот точащу поющим: / Содетеля единого поим, избавлении, / и превозносим во вся веки.*

**Г**лаголы последоваху Божественному Ковчегу священному / все множество Богословов в Сионе: / камо идеши ныне, Скиние, — зовуще, — Бога Живаго? / Не преста́й призираючи верою поющия: / Содетеля единого поем, избавлении, и превозносим во вся веки.

**Я**коже, воздѣвши рѹце, исходиши, Всенепорочная, / рѹце, ѳмиже Бѹга носила еси плѹтию, / со дерзновѣнием, яко Мати, рекла еси к Рождѣнному: / яже Ми дал еси, во вѣки сохрани, вопиющія Тебѣ: / Содѣтеля единого поѣм, избавленнии, и превозносим во вся вѣки.

### Ин

**Ирмос:** За закѹны отѣческаго / блаженнии в Вавилѹне юноши, предбѣдствующе, / царюющаго оплеваша повелѣние безумное / и, совокуплени, ѳмже, не сварѣшася огнем, / Державствующему достѹйную воспеваху песнь: / Господа пойте, дѣла, / и превозносите во вся вѣки.

**Я**коже ѹбо лицѣм к лицу надѣющеся Тя, Господа, приити, / вси града избраннейшии людіе срѣтение чудесно Ти сотворяют, / архиерѣов Божественный предводяи лик. / На ѳхже рамех носимый и к достѹйниѹ Твоемѹ влагаемь, Щѣдрый, / почил еси в храмѣ Матерѣ Твоеѹ.

**У**ста незлѹбивых дѣтѣй к пророкоубійственному Тя дрѣвле шѣствующа граду песнословяху, / но сонм собѹрища еврейскаго беззаконный убійственную рѹку вооружаше, свирѣпеющую на Тя. / Ныне же законный град, вси, кѹпно предтѣкшии, яко Содѣтеля Тя зря, / радуется, приѣмля образ зрака Твоего.

**П**аче Моисѣя Боговидца, богописанныя скрижалѣ приѣмшаго, / возвеличился еси, честный местоначальниче, / приѣм честное послание Бѹжия Слѹва, блажащее Тя, благочѣстиѹ веровавшаго, / ѳже никакоже виде чудодѣйствія.

**Богородичен:** Плѹть произволивый носити Великаго Совѣта Отча Ангел / во утробѣ Твоеѹ, Пречѣстая, совершенно дѣйствовася, / и Тя, Матерь, доле описа, Чѣстая, / и истлѣвшее обновѣи челоѹческое естество, / Егѹже благословим вси, яко Зиждителя, / и превозносим во вся вѣки.

### Песнь 9

**Ирмос:** Побеждаются естества уставы / в Тебѣ, Дѣво Чѣстая: / дѣвствует бо рождество и живѹт предбручает смерть; / по рождествѣ Дѣва и по

смёрти жива́, / спаса́еши прѣсно, Богородице,  
наслѣдие Твое́.

**Д**ивляхуся а́нгельския си́лы, в Сионе смотряюще  
своего́ Влады́ку, / же́нскую ду́шу рука́ми носяща-  
го, / пречѣ́сто бо Рождшей сыноле́пно провозгла-  
ша́ше: / гряди́, Чѣ́стая, с Сы́ном и Бо́гом просла́влен-  
на бу́ди.

**О**прята лик апо́стольский богоприятное тѣло  
Твое́, / со стра́хом зря́ще и гла́сом ве́лиим веща́-  
юще: / в Небе́сныя до́мы к Сы́ну восходя́щи,  
спаса́еши прѣсно, Богородице, наслѣдие Твое́.

**Ин**

**Ирмос:** Странствія Влады́чнѣя / и Безсмёртныя  
Трапѣ́зы / на Го́рнем мѣ́сте высóкими умы́, / ве́рнии,  
прииди́те, насладѣ́мся, / возше́дша Сло́ва, / от Сло́-  
ва научѣ́вшеся, Егóже велича́ем.

**И**зблева́ на Тя наро́д неразу́мный, Спа́се, / и  
вмѣ́сто благодѣ́тельства безмѣ́стная дерзостне Ти  
протяже́, / но мы, ѣ́же далѣ́че отстоя́щи, страсть-  
ми́ Твоими́ сыноположи́хомся.

**П**омощь на враги́ благочестѣ́вым и ве́рным  
пода́ждь лю́дем, / я́ко зна́мение плóти Твое́я, я́коже  
необори́мое, Влады́ко, стяжа́вше огражде́ние, /  
си́ми да ви́дят спасе́ние свое́.

**О**бразе неизме́нный Отѣ́ч, Сѣ́яние сла́вы При-  
носóщнаго Свѣ́та, / печатъ́ Вѣ́шняго, Сло́ве, Си́ло и  
Му́дросте, / Тя богосло́вѣющим Благопременѣ́тель  
бу́ди.

**Богородичен:** Ви́дено бысть на землѣ́ плотоно́с-  
ное Сло́во, / сугубо естество́м из Тебе́, Всенепоро́ч-  
ная, возда́нием Божества́, / в еди́ной Ипостáси,  
несме́сне соединѣ́вша смеше́нию, / Егóже сла́вим.

**Свети́лен о́браза.**

**Подобен:** Же́ны, услы́шите:

**С**вет невече́рний, Христе́, / просвети́ нас лица́  
Твоего́ зра́ком / и свѣ́лости свѣ́тых сподо́би, егда́  
сядеши возда́ти кому́ждо по делóм егó, / моли́твами  
ро́ждшия Тя Богородицы.

**Сла́ва, и ны́не, пра́здника, подо́бен то́йже:**

**О,** коли́ка вели́чѣя Тебе́ Си́льный сотвори́! / От  
неплóдныя бо роди́лася еси́, роди́ла же еси́ Де́ва, и

Дѣва паки пребывши, / пребываеши же по смерти,  
смерти вышши, Чистая, / и, не оставляючи мира, о  
мире молишися.

**На хвалитех стихиры образа на 4, глас 4.**

**Подобен: 3 ванный свыше:**

**И** же во зраце Божии Бог Сый, / яко славы  
Сияние / и изображение Отчее, / за милосердие  
безмерное / хотением Божественным образ виден  
бысть, / раба носив зрак. / Сего подобие един,  
якоже весть Сам, / известно вообразит  
богочертанно / в подобии лица Своего, / Егоже  
пришествием совокупит с человеки Ангел  
множество / и просветит мир видимый и невиди-  
мый.

**И** же боговидением иногда задних / Моисеово  
лице прославивый Бог / и тем богочертанный  
закон послав / неверующим израильским лю-  
дем, / се прииде, яко от Египта, / от земли инород-  
ная пришед, / во христоименитый град новых  
людей / Божественным начертанием / первообраз-  
наго Его страшнаго образа. / Егоже, лицом к лицу /  
видети сподобляеми, славим.

**И** же Царствуяй тварию всею, / нищету вольную  
приемь, / обогащает Божеством познавших Его  
господство, / темже и ко Авгарю богочертанна  
письмена послав, / просящему спасения и здравия  
сему, / еже от подобия Твоего зрака Божественна-  
го. / Егоже пришествие радостно празднующе  
ныне, / возвеселимся верою, / просвещение почер-  
пающе.

**Слава, глас тойже:**

**Да** каплют облацы сладость / и горы да взыгра-  
ются радостно / о преславных великих Христа  
Бога нашего: / вчера бо на Фаворстей горе свет  
облиста Божества, / уверяя учеников верховных, /  
Моисея же и Илию со славою представи, / Того  
свидетельствующих, законом обладающа / и жи-  
выми и мертвыми владуща. / Днесь посреди  
вселенных / светозарное изображение возсия, /  
уверяя всяческая, / яко Той есть вочеловечивыйся  
Бог наш, / Емуже вопием: / слава, Христе, челове-  
колюбию Твоему.

### И ныне, глас 1:

Подобаше самовидцем Слова и слугам / и еже по плоти Матере Его успение видети, / конечное елико на Ней таинство, / яко да не токмо еже от земли Спасово восхождение узрят, / но и Родившия Его преставлению свидетельствуют. / Темже, от всюду Божественною силою собравшися, / Сиона достигоша / и на Небо идущую предсылаху, вышшую Херувим. / Ейже и мы с ними поклоняемся, / яко молящейся о душах наших.

**Славословие великое. По Трисвятом, тропарь образа. Слава, и ныне, праздника Богородицы.**

#### НА ЛИТУРГИИ

Блаженны праздника, песнь 1-я, на 4, и образа, песнь 6-я, на 4. Прокимен, глас 4: **Воспойте Господеву песнь нову, / яко дивна сотвори Господь. Стих: Видеша вси концы земли спасение Бога нашего. Апостол к Колоссаем, зачало 250 или к Коринфияном, зачало 173. Также рядовой Апостол. Аллилуия, глас 1: Господи, во свете лица Твоего пойдём / и о Имени Твоем возрадуемся во веки. Евангелие от Лукы, зачало 48 от полу. Причастен: Господи, во свете лица Твоего пойдём / и о Имени Твоем возрадуемся во веки.**



### Ина Служба, бденная, в честь Нерукотворенного образа Господа нашего Иисуса Христа

Аще храм Нерукотворенного образа, или настоятель изволит, творим бдение.

#### НА МАЛОЙ ВЕЧЕРНИ

На Господи, возвах: **стихиры на 4, глас 1.**

Подобен: Небесных чинов:

**П**очитая Спас человеческий образ, / вообразися по нам, / непреложный человечеством, / и яко самую истину Своего пречистаго образа / далече сущим послá / приложением убрúса.

Возводя на первообразное Спас / образ Адамов поплзшийся, / на земли с человеки поживе, / зримъ же, и осязаемъ, / и описуемъ / Неописанный Существом.



**Обновляет** тварь обетшавшую Спас, / в рабий образ облечеса / истиною, а не привидением / и самообразное начертание / любящим предаде / на поклонение.

**Слава, и ныне, глас 6:**

**Преклонил** еси Небеса, Непостижиме Господи, / сшел еси во чрево Девы, Неописанне, / быв из Нея Человек существом же и естеством, / да спасеши человечество / крайняя ради Твоея милости.

**На стиховне стихиры, глас 2.**

**Подобен:** Доме Евфрафов:

**Псаломски** торжествуем, / духовно веселящеса, / с Давидом вопиюще: / знаменася днесь на нас / свет лица Твоего, Господи.

**Стих:** Знаменася на нас / свет лица Твоего, Господи.

**В** кимвалех духовных / восплещем, радуящеса, / и честно предусрящем / Владычняго образа / святое изображение.

**Стих:** Господи, во свете лица Твоего пойдём / и о Имени Твоем возрадуемся во веки.

**От** востока к западу / со славою приносится / спасительнаго зрака / тождеобразная печать, / сияя, яко солнце, незаходимо.

**Слава, и ныне, Богородичен,  
глас и подобен тойже:**

**Подажь** певцем образа / пречистаго Твоего, о Господи, / крепость на борителя / и грехов оставление / молитвами Чистыя Богоматере.

**Тропарь** писан на велицей вечерни.

**НА ВЕЛИЦЕЙ ВЕЧЕРНИ**

**На** Господи, возвах: **стихиры на 8, глас 4.**

**Подобен:** Званный свыше:

**Иже** во зраце Божии Бог Сый, / яко славы сияние / и изображение Отчее, / за милосердие безмерное / хотением Божественным образ виден бысть, / раба носив зрак. / Сего подобие един, якоже весть Сам, / известно вообразит

богоначертáнно / в подобии лица Своего. / Егóже прише́ствием совокупи́ с челове́ки А́нгел мно́жество / и просвети́ мир ви́димый и неви́димый.

**И**же боговидением иногда задних / Моисеово лице прославивый Бог / и тем богоначертанный закон послав / неверующим израильтеским людем, / се прииде, яко от Египта, / от земли единокрoдные прише́д, / во христоименитый град новых людей / Божественным начертанием / первообраза Егo страшнаго образа. / Егóже, лицом к лицу / види́ти сподобляеми, сла́вим.

**И**же царствуяй тварию всею, / нищету вольную приемь, / обогащает Божеством познавших Егo господство, / темже и ко Авгарю / богоначертанныя письма послав, / просящему спасения и здравия сему, / еже от подобия Твоего зрака Божественнаго. / Егóже прише́ствие радостно празднующе ныне, / возвеселимся верою, / просвещение почерпающе.

### Ины стихиры, глас 6:

**Г**осподи, Иже Божеством вся исполняяй, / благодатию к человеку уединився, / един от двою прошед от Чистыя, / невидимъ Сый, виден был еси, / зрака же плотскаго сотвориши образ, / Егóже приемше, / на нем поклоняемся Тебе, яко Владыце, / Содетеля познавше.

**Г**осподи, непостижимое смотрение, / еже от века пронареченное, / прише́д, назнаменуши, / и то уверяя писания ради, еже ко Авгарю, / Твой показал еси миру образ, / исполнил еси всяческая радости. / И ныне украшаеши венец царски, / и устроиши, и обновляеши паки нам образ. / Благословен еси, Спасе, помилуй нас.

**Г**осподи, прославлена непостижимаго сошествия Твоего дела / в Вышних и земных видеюще, / вознесени быхом. / Тя, Иже в недрах Отчих, / зрака обретохом образ Твой, / избавляемся от страстей его ради, / оживляемся, Спасе, / змия сопротивнаго умерщвляем, / чтущии Тя на нем, Владыку. / Благословен еси, Спасе, помилуй нас.

**Слава, глас 8:**

**Ч**еловеколѹбче Владыко, / велика Твоего смот-  
рѣнія бѣдна: / в роды бо родов Твоео благодѣтель-  
ствуя создѣние, / пречыстаго Твоего лица зрак  
изобразив, / Авгарю верному послал еси, / возже-  
лавшу Тя видети, / по Божеству Херувимы невиди-  
маго. / Яко да Твой образ зряще, / нас ради  
воплощагося / и пострадавшаго волею, / к Твоей  
любви распалаемся, / юже на нас излил еси /  
великия ради Твоей милости.

**И ныне, глас тойже:**

**Д**евичести лица / днесь тайно одру Дѣвы и  
Матере окрест предстоят, / и души праведных,  
обступивше, Царицу славят. / Ови убо яко дар  
дѣвство вмѣсто мѣра приносят, / ови же не веще-  
ственное пѣние с добродѣтелию приносят, / подо-  
бает бо Матери Божии яко Царице / царскими  
добродѣтелями светлосияющими дориноситися. /  
С нимиже и мы, житиѣ чыстое совнѣсше, / изыдем к  
погребению сущия Матере Бога нашего, / пѣньми и  
пѣсньми духовными / согласно Ю ублажающе.

**Вход. Прокімен дне. Чтѣнія три.****Второго закона чтѣние (глава 4):**

**Р**ечѣ Моисей к людем: / ныне слыши Израилю  
оправдѣнія и судьбы, / елика аз научу вас днесь  
творити, да живи будете, / и сохраните, и сотвори-  
те, / яко сия премудрость ваша и разум пред всеми  
языки, / елицы аще услышат оправдѣнія сия и  
рекут: / сии людие мудри и художни, и язык  
великий сей. / Яко Господь Бог наш есть во всех, /  
иже аще Того призовем. / И ныне внемлите себе  
весь дом Израилев, / и сохраните души своя зело, /  
и не забудите вся словеса, яже видеста очи ваши, /  
и да не отступят от сердец ваших во вся дни  
живота вашего. / И приведосте сыны ваша и сыны  
сынов ваших / в день, воньже стаете пред Госпо-  
дем Богом в Хориве, / в день, воньже речѣ Господь  
ко мне: / собери в церковь люди, и да услышат  
глаголы Моя, / яко да навѣкнут бояться Мене во  
вся дни, / елики поживут они на земли, и сыны

свой да научат./ И приступите, и стаете под горюю,/ и гора горяше огнем даже до небес, тьма, сумрак и дым./ И глагола Господь Бог к вам на горе от среды огня./ Глас словес Его вы слышасте/ и подобия не увидите, но глас./ И возвестить вам завет Свой, егже завета вам творить,/ и мне завета Господь во время оно научить вас оправданием и судьбам,/ творить вам та на земли./ Глагола Господь к вам на горе в Хориве/ от среды огня.

### Второго закона чтение (глава 5):

Собра Моисей вся люди израильския и рече к ним:/ слыши, Израилю, всех оправданий моих и судеб моих,/ елико аз глаголю во уши ваша,/ во дни тья научитесь им, и сохранити я, и сотворити./ Господь Бог завета вам завет в Хориве,/ не единым отцем вашим завета Господь завет сей, но и вам./ Лицем к лицу глагола Господь в Хориве из среды огня на горе./ Аз же стою между Господем и вами во время оно,/ возвестить вам глаголы Господня, глаголя:/ Аз есмь Бог твой, изведый ты из земли Египетския, из дому рабыты,/ не суть бози инии, разве Мене,/ Аз бо есмь Господь Бог твой, Ревнитель,/ творя милость тысящами любящим Мя и хранящим заповеди Моя./ И бысть яко услышасте глас посреде огня,/ и гора горяше огнем,/ и приступите ко мне вси, и рекосте:/ се показа Господь Бог наш нам славу Свою,/ и глас слышахом посреде огня,/ в день он видехом,/ яко возглаголет Господь Бог к человеку, и жив будет./ И ныне да не умрем,/ яко погубит ны огонь великий сей,/ аще приложим послушати глас Господа Бога нашего еще, и умрем:/ ка я бо плоть или кто слыша глас Бога, глаголюща посреде огня, и жив будет?/ И слыша Господь Бог глас словес, глаголющих ко мне,/ и рех к ним заповеди, оправдания и суды,/ елико заповеда вам Господь Бог:/ да убоитесь всех оправданий Его,/ да милостив будет, и умножитесь на земли./ Слыши, Израилю, Господь Бог ваш—Господь един есть./ И возлюбиши Господа Бога Твоего от всего помышления твоего,/ и от всего сердца твоего, и от всей души твоея,/ и от

всей крепости твоея. / И Того убойшися, и Тому единому послужиши, / и к Немю прилепишися, и Именем Его кленешися, / и угодная Ему сотвориши: / да добро тебе будет.

### Царств третиих чтение (глава 8):

**С**та Соломон пред лицем жертвенника Господня, / пред всем собором израиловым, / и воздвруче свои на небо, и рече: / Господи Боже Израилев, / несть бог, якоже Ты на небеси горе и на земли доле. / Аще бо небо и небо небесе не довлеют Тебе, / како дом сей, егоже создах имени Твоему? / Обаче и призриши на молитву мою, Господи Боже Израилев, / услышати моления и молитву, / еюже раб Твой молится пред Тобою к Тебе днесь. / Да будут очи Твой отверсты на дом сей день и ночь, / на место сие, о немже глагола еси: / будет имя Моё тамо, еже услышати молитву, / еюже молится раб Твой на месте сем во дни и ночи. / И послушати мольбы раба Твоего и людей Твоих Израиля. / И елика аще помолятся к Тебе на месте сем, / и Ты услышиши на месте жилища Твоего на Небеси, / и сотвориши, и милостив будеши им.

### На литии стихиры, глас 1:

**П**риидите, верных совокупление, / приидите, лик составим / в нарочитом празднице славнаго пренесения / богомужнаго образа Спасова / и возопийм: благословен грядый во имя Господне, / образ и начертание Первообразнаго. / Благослови нас Твоим явлением / и Церковь соблюди от ереси, / в нейже верно поклоняемтися.

**М**онашеская множества, днесь усердно соберитесь / на сретение образа / руками человеки Создавшего, / добродетели Тому вместо даров приносяще, / поюще и глаголюще: / да знаменается на нас свет лица Твоего, Господи. / Того силою сохрани стадо Твое, / волки тяжкия отгоня, / умирение подай вселенней / и душам нашим велию милость.

**Р**адуйся, Царствующий граде, / слава бо Господня на тебе возсия / пришествием убруса, небес

пространнейшаго: / Едеса бо не оставль, к тебе  
принесеса, / действуя чудеса преславная / и прогон-  
ня дух лукавствия, / воинству благочестивому на  
варвары подай крепость, / стена же и забрало  
бывает / верою Тому поклоняющимся.

### Слава, и ныне, глас 5:

Недр не отлучився Отческих, / Многомилостиве  
Господи, / с человеки пожил еси, якоже подоба-  
ше, / исполняя Твоего человеколюбия / от веков  
тайну сокровенную / и немощь понес человече-  
скую, / непреложно в ню облекся / от Приснодевы  
Богородицы, / и пречистаго Твоего зрака  
воображение / нам на освящение оставил еси, /  
уже к страсти вольней готовяся. / Слава многomu  
Твоему о нас милосердию.

### На стиховне стихиры, глас 4.

Подобен: Дал еси знамение:

На гору вчера Владыка / возведе яже о Петре, /  
пред ними преобразися, / являя Божества свет-  
лость и зари несозданныя, / и днесь нам показá  
Свое воображение. / Емуже поклоняемся / и любо-  
вию целуем, / славяще смотрение Иисуса  
Человеколюбца / и Спаса душ наших.

**Стих:** Знаменася на нас / свет лица Твоего,  
Господи.

Падше, поклонишася / на горе святей верхов-  
нии, / Владыку яко узреша, / зарю обнаживша  
Божественныя светлости, / и ныне мы припадаем  
Нерукотворенному образу, / паче солнца сия-  
юще, / славяще даровавшего нам сего на  
утешение / Иисуса Человеколюбца / и Спаса душ  
наших.

**Стих:** Господи, во свете лица Твоего пойдём / и о  
Имени Твоем возрадуемся во веки.

Убелив очерневший человек образ, Создате-  
лю, / на Фаворе показал еси / Петру и сыном  
Грозовым, / отъемля сомнение еже о Кресте и  
страсти / и светлости наказуя / втораго Твоего  
пришествия. / И ныне нас, Человеколюбче,  
благослови / и освяти озарением, Господи, / пречи-  
стаго Твоего образа.

**Слава, глас 6: Господи, воплотился еси: (зри страницу 107).**

**И ныне, глас 8. Леонта деспота: Уверяя Иисус, Сын Твой, Богородице: (зри страницы 107—108).**

**На благословении хлебов тропарь образа, дважды, и Успения, единожды.**

### **Тропарь образа, глас 2:**

**Пречистому Твоему образу поклоняемся, Благой, / просяще прощения прегрешений наших, Христэ Боже, / волею бо благоволил еси плотию взыти на Крест, / да избавиши яже создал еси от работы вражия. / Тем благодарственно вопием Ти: / радости исполнил еси вся, Спасе наш, / пришедый спасти мир.**

**Тропарь Успению зри на странице 108.**

### **НА УТРЕНИ**

#### **По 1-й стихологии седален, глас 1.**

**Подобен: Гроб Твой, Спасе:**

**Благодать Твоя, Спасе, на нас излийся, / видиму бывшу Тебе, Непостижимо, и прелести тьма угасе, / тем во свете лица Твоего стопы наша направи, / да, в заповедех Твоих ходяще, Тебе сподобимся узрети, / Свете Неприступный.**

#### **Слава, и ныне, глас тойже.**

**Подобен: Камени запечатану:**

**Лик Божественных апостол собрася погребсти Тя пречестно, Богородице Всчистая, / с нимиже и ангельстии чини воспеваху преставление Твое, зывающе прехвально. / С нимиже и мы, любовью играюще, Чистая, / хвалу Тебе приносим гласы песненными, вернии, и вопием: / радуйся, Предстательнице присно чтущих Тя.**

#### **По 2-й стихологии седален, глас 5.**

**Подобен: Собезначальное Слово:**

**Собезначальный Сын Отцу, и превечный, и невидимый Существом, и неосязаемый, / под летом быв за милость неизреченную, описанныя плоти Твоея, Владыко, / нам остави сладкое изображение, на спасение душ наших.**

### Сла́ва, и ны́не, глас 4.

Подобен: Удивися Иосиф:

**Зря́ще** вои́стинну а́нгельская во́инства преста́влени́е Твое́, / Пресвята́я Влады́чице Чы́стая, Благосло́венная Всепе́тая Богоро́дице, / иму́ще волею́ рождённа из Тебе́, / лик учени́к собра́вшеся, с весе́лием ноша́ху честное́ в рай те́ло Твое́, / Христа́ пою́ще, Живода́вца су́ща во ве́ки.

### Велича́ние:

**Велича́ем** Тя, / Живода́вче Христе́, / и почита́ем пречи́стаго лица́ Твоего́ / пресла́вное воображе́ние.

### И́но велича́ние:

**Велича́ем** Тя, / Живода́вче Христе́, / и чтим о́браз Твой святы́й, / и́мже нас спасл еси́ / от рабо́ты вра́жня.

**Псалом избранный: Вел́ий Госпо́дь и хва́лен зело́: пи́сан Преображе́нию.**

### По полиеле́и седа́лен, глас 4.

Подобен: Удивися Иосиф:

**Не** ктому́ се́тование на лице́ Ада́мове, во Ада́ма обле́кшуся того́ Созда́вшему, / и лица́ подо́бием Себе́ всем явля́ющу, / и к любви́ подви́жущу благочесты́вых составле́ния единогла́сно вопи́ти: / сла́ва, Человеколю́бче, кра́йнему Твоему́ схожде́нию.

### Сла́ва, и ны́не, глас и подобен то́йже:

**Возопи́й**, Дави́де, что́ сей пра́здник, / его́же воспел еси́ дре́вле в кни́зе псаломсте́й? / Я́ко Дщерь, Богоотрокови́цу и Де́ву, преложи́ Ю на о́ны обите́ли Христос, / И́же из Нея́ без се́мене ро́ждся, / и сегó ра́ди ра́дуются ма́тери, и дщери́, и невесты́ Христовы́, вопи́юще: / ра́дуйся, преста́вившаяся к Вь́шнему Ца́рствию.

**Степе́нна, 1-й антифо́н 4-го гласа. Прокі́мен:** Го́споди, во све́те лица́ Твоего́ по́йдем / и о Имени́ Твое́м возра́дуемся во ве́ки. **Стих:** Ви́деша вси́ концы́ земли́ спасе́ние Бо́га нашего́. **Ева́нгелие от Луки́, зача́ло 48 от полу́.**



**По 50-м псалмѣ стихіра, глас 6:**

**Господи, воплотился еси, якоже восхотел: (зри страницу 107).**

**Канон Успения 1-го гласа со ирмосом на 6 и образа два канона на 8.**

**Канон, глас 4.**

**Песнь 1**

**Ирмос:** *Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той чудеса.*

**Отверзем уста, человецы, и язык уясним / в нарочитый день праздника нашего, / явление Божественнаго образа Христа Бога нашего светло славяще.**

**Свет Превечный, Отча исполняя словеса, / образноподобием плоти прежде виден бысть Человеком, / ныне же явися образом нерукотворенным, / Божественнаго воплощения свет облистая нам.**

**Сказати хотя Свою благодать, / Вышний прият рабий образ нас ради, / и на уверение естества человеческого зрака подобие верным днесь дарова.**

**Богородичен:** **Сказание днесь войстинну богочеловеческаго Твоего рождества познахом, / Тя чтуще, Всечистая, / сподоблени бывше видети зрака образ нерукотворенный Рождшагося из Тебе.**

**Другий канон, глас 6.**

**Песнь 1**

**Ирмос:** *Волною морскою / Скрывшаго древле / гонителя мучителя — / под землею скривша спасенных отроцы; / но мы, яко отроковицы, / Господеву поим, / славно бо прославися.*

**Свыше благодать Божественная, мир ныне земный озаряючи, / своими дарованиями наполняет воспевающая: / Господеву поим, славно бо прославися.**

**Подобаше принестися к Царствующему всеми грады / Небесе и земли Царя образа начертанию, / еже он, воплощя самодельно, омочи царей христолюбивых поспешеньми.**

**Богозърныя** лучи исполняху, / все уясняюще и украшающе человеческое существо, от образа исходяще, / егѡже покрывають Серафими славою Христовою.

**Богородичен:** Возвращаема к земли иже от земли, Богоблагодатная, прелестию врага, / на Тя сошедшаго воплотивши Бога паче ума, / от земли вземши, к Небесѣмъ вознесла еси.

**Катавасія: Преукрашенная:**

### Песнь 3

**Ирмос:** Твоя песнословцы, Богородице, / живый и независтный Источник, / лик себе совокупляющий духовно утверди, / в Божественней Твоей славе, / венцев славы сподоби.

**Владыка** сый по существу, соединився с рабы плотию / и наше детельствуя различно спасение, Христѣ, еже и ныне промышляя, / Своим образом виден был еси нами.

**Едес** честнейший град / честный Божественный образ Твой / иже твердый залог веры ради прият, / Царский же Твой град дар яко лучший приемлет ныне.

**Живот** Ипостасный ныне вкуси смерти плотския, / еюже живот источил еси мертвым, востанием Твоим, Христѣ, / ныне же, яко живота ходатая, зрака образ Твой подал еси нам.

**Богородичен:** Из Тебе Спасение, иже суть в мире, возсия прежде плотию, / ныне же живот явися в мире верным ходатайством Твоим, / светносное пришествие прежде образнаго подобия Христова.

### Ин

**Ирмос:** Тебе, на водах / повесившаго всю землю неодолимо, / тварь, видевши на лобнем висима, / ужасом многим содрогашеся, / несть свят, / разве Тебе, Господи, взывающи.

**Тебе** сотворшаго человека по образу первее, / воньже вообразися абие за милосердие, / приемша войстинну подобие неизменное, / со Ангелы, Христѣ, славим.

**Ты** желающим благоприступен, / ищущим же всем благопослушив, Щедре, за многую благосты-

ню, / еяже ради приближением, Владыко, / красоте Твоего рачения чудимся.

Уставил еси местному князю желания, / еже к Тебе любовь, вкупе же и недуг / тихим Твоим поданием, вседетельною державою Твоею, / видевшу Тя, Спасе, во изображении.

**Богородичен:** Место Тя Господне, Всепетая, Давид преднаписа, хотящее явится, / Иже бо никакоже вместимый во Твое чрево вместися / и облагается плотию вечною Невещественный.

### Кондак Успения и йкос.

#### Седален, глас 4.

Подобен: Вознесыйся:

Спедый с Небесе за милосердие милости, Благоутробне Спасе, / плоти Твоей пресвятыя днесь пречистый зрак / граду чтущему Тя и людем христоименитым сокровище подал еси, яко твердо всеоружие, / от негоже почерпающе освящение, сего верою тепле приемем.

#### Слава, и ныне, подобен тойже:

В руке Сына Твоего и Бога ныне предавши душу святую, / ни тело же оставила еси во гробе: / якоже бо прият Жизнь всех, сиче по смерти к Животу преставльшися, / Богородицу Тя истинную ведущим источаеши живот вечный.

### Песнь 4

**Ирмос:** Незследный Божий Совет, / еже от Девы, воплощения / Тебе, Вышняго, / пророк Аввакум усмотряя, зовяше: / слава силе Твоей, Господи.

Плотоподобный Божественный образ плотию Приближшагося человеком / прииде к новоизбранному Израилю, / яко из Египта днесь, и просвещает концы.

Боговидения славы древле, темно Твоих задних сподобися Моисей, просив, / новый же Израиль лицем ныне в лице Тя, Избавителя, видит ясно.

Видите, чудная вси, людие, / и духовно ныне возвеселитесь, Христа поюще, / даровавшего нам, яко многоценное богатство, Своего зрака воображение.

**Богорóдичен:** Яко на óблаце, úбо дрéвле Христóс явйся на землй сýщим, седя на Твоёю руку, / нýне же напоследок лóдем, чтýщим Тя, Всечй-стая, / Божéственным образом явйся.

**Ин**

**Ирмóс:** На Крестé Твоё Божéственное истощáние провйдя, / Аввакúm, ужáсса, вопйяше: / Ты сйльных пресéкл есй держáву, Блáже, / приобщáяся сýщим во áде, / яко Всесйлен.

Иже цáрским благолéпием обложéни нýне, / иже от Него́же цáрствовати учинйшася, / слáвяще, благолéпное от подóбия видéние Егó приёмлют.

Иже прорóком жадаемый\* пёрвее Спáсов зрак лóдие зрят, всéми ублажаемый, / в самодéйстви нерукотворне воображéнный.

Князи вси и судий землй, благословйте Христá, / с первосвященники и святйтели днесь и со всéми людъмй, / йже Тогó зрénия сподóбленни.

**Богорóдичен:** Присносýщнаго Тя Мáтерь Христá человекóм познáвшим / блажéнство Небéсное испросй, / йже Твоё неизречéнное рождество вёрно песнослóвят.

### Песнь 5

**Ирмóс:** Ужасóшася вся́ческая / о Божéственной слáве Твоёй: / Ты бо, Неискусóбращная Дéво, / имéла есй во утрóбе над всéми Бóга / и родилá есй Безлётнаго Сýна, / всем воспевáющим Тя / мир подавáющая.

Восплéщем днесь рука́ми и воскликнем хвалéния Гóсподеви: / се бо войстинну прийде и явйся, вся озаряя вёрныя, / Божéственным подóбием чйстыя плóти Егó.

Просветйся днесь правослáвных сóнмище, / еретйческий же полк да посрамйтся, покланяёмь вйдя нерукотворéнный óбраз, / плóтию нам Избáвителя предлóжшийся.

Тáйна велйка пришéдшее торжество: / свет бо лицá Госпóдня мйрови провозсйя благоустро́енным óбразом / и богочертáнными Самагó руки Божéственными писáнии, / ймиже укрепйся прёжде Áвгарь.

\* жадаемый — ожидаемый, желанный

**Богородичен:** Да ка́плот ны́не свѣше облацы земнымъ сла́дость ходатайствомъ Твоимъ, Де́во: / мир бо уще́дри Твой Сынъ и Бог, / рогъ вѣрнымъ спасенія днесъ дарова́, Свой Божественный образъ.

### Ин

**Ирмос:** Къ Тебѣ у́тренюю, / милосердія ра́ди Себѣ исто́щившему непре́лжно / и до страсте́й безстра́стно прекло́ншемуся, / Сло́ве Бо́жий: / мир по́даждь ми, па́дшему, Чело́веколю́бче.

Не в багряни́це, ни в червлени́це, ни в венце́ чѣстне Божественни́и венценосцы, / но о Го́споде Бо́зе крася́щися, раду́ются. / Егѡ́же добро́ту зря́ще, украша́ются.

На пра́ведныя лю́ди очи Господни / и у́ши на моли́тву люде́й благочѣстно му́дрствующих, / чту́щим Егѡ́ подо́бие благоле́пія самопи́санное.

Ны́не зря́ще неизме́ннаго Бо́га и Спа́са и неизчерта́емаго зра́ка вид, / чело́веческое ви́дети предсто́ят, / я́ко одушевле́ну притека́ти и просвети́тися.

**Богородичен:** Ни чистоту́ поколебавши чы́стымъ Твоимъ рождество́м, / и Ма́ти позна́лася еси́, а́ще и ма́терское не подъя́ла: / обо́я бо на Тебѣ, Богома́ти, соверша́ше Божественное хоте́ние.

### Песнь 6

**Ирмос:** Божественное си́е и всечестно́е / соверша́юще пра́зднество, / Богому́дри, Богома́тере, / прииді́те, рука́ми воспле́щим, / от Нея́ ро́ждшагося Бо́га сла́вим.

Ме́ртвым живо́т возсия́, слепымъ светъ уже́ пришество́ва, / немощнымъ лю́те врачевство́ отвѣрзеса, / и всемъ спасеніе днесъ прибли́жися.

Стра́нствует всякъ ра́зум, / невещество́нна зра́ка ви́дя Божественный образъ Христо́в, воображе́н ны́не я́сно, / и просвещеніе исто́чая поклоня́ющимся ему́.

Пу́ть Христо́в угото́вим, и ны́не осанна Христу́ зову́ще, / благослове́нно Бо́жия сла́вы и́мя, / е́же на образе Божественне я́вльшееся су́щим на землі.

**Богородичен:** Зна́емо яви́ся страна́м, Богома́ти Чы́стая, спасеніе, / воображе́ние Спа́са на́шего,

ро́ждшагося из Тебѣ, / видети Твоимъ ходатайствомъ ныне сподобихомся.

**Ин**

**Ирмосъ:** Ят бысть, / но не удержанъ в персехъ китовыхъ Иона: / Твой бо образъ нося, / Страдавшаго и погребенію Давшагося, / яко от чертога, от звѣря изыде. / Приглашаше же кустодіи: / хранящии суетная и ложная, / милость сію оставили естѣ.

**С**одержимыя в рѣдомъ чловеки и подпадшия в тленіе, / не презрѣ стерпѣти, Содѣтелю и Обновителю рѣда, / но изливъ Себѣ Вѣшній и явлься в подобіе мое и смиреніе, / наздѣ премудре, доброту подав ми первообразную.

**Н**евѣдущу о Царствіи Твоѣмъ Небѣснемъ, / к нему же нас, Благій, тленныя и долу лежащія, возведѣ, / Иже невестественными Херувимы неприступен, снѣде же ми до ада, / Твоего апостола Авгарю царю, Христѣ, послалъ еси, / таинство уверяюща.

**В**идевъ Твоего, Слове и Мудросте Всесильнаго Отца, невидимаго Бога, / неотступне прѣжде векъ, образа всечеловекозрачна, дивляшеся Бога вѣдый, / плоть, и кровь, и душу умну приѣмша Тя, мѣстный начальник.

**Богородиченъ:** Невѣриемъ о Божественней, сотворшимъ его, Дѣво, страшней заповѣди / родоначальника безсмертна, всегубитель прѣменилъ естѣ, / жизни же Подателя сущимъ рождши, / нетленіемъ нас Едина сілою утвердила еси.

**Кондакъ, гласъ 2.**

**Подобенъ:** В молитвахъ:

**Н**еизреченнаго и Божественнаго Твоего к чловекомъ смотрѣнія, / неописанное Слово Отчее, / и образъ неписанный и богописанный победителен, / вѣдуще неложнаго Твоего воплощенія, / почитаемъ, того лобызающе.

**Икосъ:**

**У**веряя чловекомъ Господь вочеловѣченія Своего тайну ужасную, / самописуетъ богомужный Свой образъ на убрѣсе, / и, первообразное ѹбо вознесъ от горы Елеѣнскаго, / на престолѣ спосажда-

ет Отчи, покланяться от безтелесных Ангел/  
подобию же первообразнаго нам дарова поклоня-  
ться./ Егóже объёмлюще душею же и сёрдцем,/  
почитаем, того лобызáюще.

### Песнь 7

**Ирмос:** Не послужиша твáри Богомúдрии/ пáче  
Создáвшаго,/ но, óгненное прещение мýжески  
поправше,/ ráдовахуся, поюще:/ препетый отцév  
Госпóдь и Бог, благословén еси.

Всяк град радуется, прáзднуя вёрно с нóвым  
Сионом:/ Царь бо егó крóтко пришёл есть, не на  
жребяти, якоже прéжде,/ на образе же, спасáя  
вёрою поющия:/ Бóже, благословén еси.

Речь Божéственная безплóтных испóлнися,/  
йже, глása Госпóдня услышавше прéжде, нýне  
видехом обличие Егó,/ ясно просвещáеми светодá-  
тельными сиянии того явлéния.

Веселятся с земными Небéсная, и срадуются  
всех святых мнóжество,/ монаси и простии, богá-  
тии и убóзии прáзднуют,/ явльшуся днесь Божé-  
ственному образу.

**Богорóдичен:** Священницы, в правду облецыте-  
ся,/ и, вси преподóбнии, возрадуйтесь светло:/ се  
убо уготóва светильник нам Христóс,/ ёже образа  
Своего богодéльное подобие,/ ёже прият от Дёвы.

### Ин

**Ирмос:** Неизречённое чúдо:/ в пещи Избáвивый  
преподóбныя óтроки из пламене/ во грóбе мертв,  
бездыхáнен полагаётся/ во спасение нас, по-  
ющих:/ Избáвителю Бóже,/ благословén еси.

К боговидению óчи уготóвим/ и достóйно пот-  
щимся образ видети Христóв всем честный, во  
спасение нам, поющим:/ Избáвителю Бóже, благо-  
словén еси.

Якоже на Фавóрскую гóру возносими,/ восхóд-  
ными очесы ума зарю светлу в боговочеловéчении  
Христóве видяще,/ единопостáсне, в дву же  
естеству, богослóвяще Егó во вéки.

Прáзднующих и веселящихся, усёрдно же о  
Господе всех глас,/ пение наше да составится и да  
исполнится, согласно поющих:/ Избáвителю Бó-  
же, благословén еси.

**Богородичен:** В дѣвства яко светлѣ едина добротѣх / Содѣтеля была еси Питательница, / скверну нашу всю очистила еси, Богородительнице, сущую от грехѣ, вопиющих: / Бѣже, благословен еси.

### Песнь 8

**Ирмос:** *Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пѣти Тебѣ: / Господа пойте, дела, / и превозносите Его во вся вѣки.*

Совершен сый по существу, Бог и Человѣкъ виден бысть, / совершенно спасаѣя по обоему, Свое войстинну свойства: / яко Бог бо, человѣческій образ уверѣя, безплотне вообразил, / егѣже нам, яко стѣну и покров, даровал есть.

Вознеси рог, Бѣжий Слово, исповѣдающих Тя, Бѣга и Человѣка, / и богоначертанному образу поклоняющихся, / имже живѣтъ вѣчный всем даровася вѣрным, / и упраздни поганская шатания Твоея невѣдущих Божественныя силы.

Свѣтится новая Церковь, славы бо свет возсиял есть, / плотоподобозрачное обличіе Бѣга нашего, / безплотное же украсил, един якоже вестъ Сам, / лице Свое просветив, на спасѣние людей христоименитых.

**Богородичен:** Всю освятил есть тварь, / прѣжде от святаго Твоего возсия чрева, Дѣво, / но провозсиял есть того паче днесь, / яко от незаходимых явльшуся, Того Божественному образу, / от земли поганския преславно дав на спасѣние вѣрным людем и граду.

### Ин

**Ирмос:** *Стол злѣбы богопротивныя / Божественнии отроцы обличіша, / на Христа же шатающеся беззаконных соборище / советуе тщетная, / убити поучается / живѣтъ Держащаго дланию, / Егѣже вся тварь благословит, / славыщи во вѣки.*

По Божественному естеству, Спасе, сый всем невидим, / по человѣческому же, аще и видим Человѣкъ, писан без шаров\*, / вообразив Себѣ

\* без шаров — без красок



просвещением Твоего лица самозримаго, / Твоего раба не лишил еси, поюща: / благословите, вся дела Господня, Господа.

**Самоначертанное первообразное Спаса изображение подобозрачно, / богодельный образ зряще, / иже всеми владающий избранный, со благоговением и честью, / яко надеющиеся на нь, покрываются и утверждаются.**

**Паче Моисея Боговидца, богописанныя скрижали приемшаго, / возвеличился еси, честный местоначальниче, / прият честное послание Божия Слова, блажащее тя, / благочестию веровавша, иже никакоже виде чудодействия.**

**Богородичен: Во двою естеству несмесо, Богомати, / едину Ипостась воплощеннаго от пречистых Твоих кровей видяще, / Бога же и Человека исповедуем, / Тогоже от Отца Безлетна прежде век / безстрастно и неслиянно рожденна.**

### Песнь 9

**Ирмос: Всяк земнородный / да възиграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.**

**Радуйся тайно, Божий христоролюбивый ныне великий граде: / к тебе бо прииде Царствуяй всею тварию, / Божественнаго ради обличия первообразнаго подобия, / и тебе изволил есть избрати Себе в жилище.**

**Поём Богу песнь благодарную, изволившему богатство превелико нам подати, / стену небориму и неблаженно утверждение, / боговоображенный зрак Божественныя плоти Его. / Егоже чтуще, вернии, величаем.**

**О, паче ума чудес Твоих, Господи, иже сотворил еси нам, на Тя надеющимся! / Якоже бо имел еси неизреченно рождество, / тако и странно всем показал еси воображение зрака Твоего недоразумяемое, / егоже чтущия ны избави от всякаго гнева.**

**Богородичен: Высота воистинну и глубина неизреченна Твоея тайны, Чистая: / якоже бо изыде**

несказанно из Тебѣ Вѣшній, тако и виден бысть, /  
днесь пришед к нам безплотным светом зрака  
Его, / плотию смѣшся вещи с земными.

### Ин

**Ирмос:** Честнейшую Херувим / и славнейшую без  
сравнения Серафим, / без ислѣния Бога Слова  
рождшую, / сущую Богородицу, Тя величаем.

Доброта недомыслима воистинну, красота крас-  
нейши паче естества, / се зрится достойно жела-  
ющим, / притецем, лица освящающе.

Стена и утверждение державно, оружие мирно, /  
забрало неборимо, невредимо всеми хитростями  
сопротивными, / ограждение граду нашему даро-  
вася.

Образе неизменный Отець, / Сияние славы Прис-  
носущнаго Света, / печать Вѣшняго, Слово, Сило и  
Мудросте, / Тя богословствующим Благопремени-  
тель буди.

**Богородичен:** Уставила еси поношение женам, /  
взяла еси от человек и потребила еси клятву, /  
источила еси всем радость и благословение, / Дево  
Пречистая Богородительнице.

### Светилен.

**Подобен:** Жены, услышите:

Свет невечерний, Христѣ, / просвети нас лица  
Твоего зраком / и светлости святых сподоби, егда  
сядеша воздати комуждо по делом его, / молитвами  
рождшия Тя Богородицы.

### Слава, и ныне, Успения.

**Подобен:** Небо звездами:

Апостоли, от конец совокупльшеся зде, / в Геф-  
симанийстей веси погребите тело Моё, / и Ты,  
Сыне и Боже Мой, прими дух Мой.

### На хвалитех стихиры на 4, глас 5.

**Подобен:** Радуйся:

Радуйся, пречестный образе, / Ангелы  
покланяемый / и Адаму создательный, / человеком  
возжеланный / и бесом воистинну страшный, /  
любве Божия извещение, / начертание сладкаго  
Иисуса, / будущих благ обручение, / великое сок-

рѡвище вселѣнныя, / никогдаже нищеты бояще-  
ся. / Дáруй нам единомыслие, / мир и велию  
мѣлость.

**Рáдуйся, Божественный образе, / егѡже Херувими  
обстоят, и Серафими служат, / и вся Небесныя  
силы трепещут, / всяка же тварь послушает, и  
бездны боятся, / имже тьма отгнана бысть, и  
диáвол упразднися, / и свободися Адам от грехов-  
ных уз, / и Евины утолишася слезы. / Дáруй нам  
единомыслие, / мир и велию мѣлость.**

**Рáдуйся, Царский образе, / краснейшаго добро-  
тою пáче всех сыновъ человеческих, / Иисуса  
Избáвителя, / плѡтию покрывшагося / и на взыскá-  
ние пришедшаго / заблуждшаго волкохитснаго  
овчáте, / и на рáму понесшаго, / и Отцý принесша-  
го, / Крестомъ и Крѡвию очищено. / Дáруй вселѣн-  
ней единомыслие, / мир и велию мѣлость.**

**Слáва, глас 4: Да каплют облацы слáдость: (зри  
страницу 119).**


**И ныне, глас 1: Подобáше самовидцемъ Слѡва и  
слугáм: (зри страницу 120).**

**Славослѡвие великое, и прочее, и отпу́ст.**

#### НА ЛИТУРГИИ

**Блаженны Успѣния, от канѡна 1-го глása, песнь 1-я, на 4,  
и убрúса, от канѡна 4-го глása, песнь 6-я, на 4.**

**По вхѡде трѡпáрь убрúса и Успѣния. Слáва: кондáк  
убрúса. И ныне: кондáк Успѣния. Прокíмен, глас 4:  
Воспойте Господеви песнь нѡву, / я́ко дѣвна сотвори́  
Господь. Стих: Видѣша вси концы́ землѣ спасѣние Бѡга  
нашего. Апѡстолъ къ Колоссáем, зачáло 250, или́ къ Коринфя-  
номъ, зачáло 173. Аллилу́ия, глас 4: Господи, во свѣте лицá  
Твоегѡ пойдѣм: Евангелiе от Лукí, зачáло 48 от полу́.  
Причáстен: Господи, во свѣте лицá Твоегѡ пойдѣм / и о  
Имени Твоѣмъ возрадуемъ во вѣки.**

**Подобáет вѣдати, я́ко áще случится попра́зднство Успѣ-  
ния Богорѡдицы и Нерукотворѣннаго образа в Недѣлю, **

**В суббѡту на малѡй вечерни, стихíры воскресны и  
Богорѡдицы, по обы́чаю.**

**На велицей вечерни, по кафíзме, на Господи, воззва́х:  
стихíры воскресны 3, и прáздника 3, и образа 4. Слáва,  
образа. И ныне, Богорѡдичен 1-й, глása. Вход. На литiи  
стихíры прáздника, стихѡвна вечерняя того́ дне. Слáва,**

образа. И ныне, праздника, гласа 5: Воспойте, людие: На стиховне стихиры воскресны. Слава, образа. И ныне, праздника.

На благословении хлебов тропарь праздника, дважды, и образа, единожды. Аще несть бдения, по Ныне отпущаеши: тропарь воскресный. Слава, образа. И ныне, праздника. На повечерии по Достойне кондак образа. Слава, и ныне, праздника. На утрени, на Бог Господь: тропарь воскресный, дважды. Слава, образа. И ныне, праздника. И прочее поем и до канона воскресно. Канон воскресный со ирмосом на 4, и праздника на 4, и образа на 6. Катавасия праздника: Преукрашенная: По 3-й песни кондак и йкос праздника и седален образа. Слава, и ныне, праздника. По 6-й песни кондак и йкос образа. На 9-й песни поем Честнейшую: Светилен воскресный. Слава, образа. И ныне, праздника.

На хвалитех стихиры воскресны 4 и образа 4, с припевы его. Слава, стихира евангельская. И ныне: Препоблагословенна еси: Славословие великое. Также тропарь воскресный и ектений, и отпуст, и оглашение, и исхождение в притвор, и час 1-й.

На часех же глаголем тропарь воскресный. Слава, образа. И ныне, Богородичен часов. По Отче наш: кондак воскресный. На 3-м часе тропарь воскресный. Слава, праздника. И ныне, Богородичен часов. По Отче наш: кондак образа. Такжеже глаголем и на прочих часех тропарь воскресный, образа же и праздника тропарь и кондак пременяем.

На Литургии: Блаженны гласа на 4, и праздника песнь 1-я на 4, и образа песнь 6-я, на 4. По входе тропарь воскресный, и образа, и праздника. Кондак воскресный. Слава, образа. И ныне, праздника. Прокимен, Апостол, аллилуия, Евангелие и причастен, воскресныя и образа.

ЗРИ

Аще случится попраздство Успения  
Богородицы в субботу.

Глаголем на Господи, возвах: Слава, праздника. И ныне, Богородичен 1-й, настоящего гласа. На утрени, канон праздника на 6 и святого на 6.

**М** Аще случится попраздство Успения Пресвятыя Богородицы в Неделю, кроме праздника Нерукотвореннаго образа.

В субботу на малой вечерни стихиры воскресны и Богородицы, по обычаю.

На велицей вечерни, на Господи, возвах: стихиры воскресны 3, и восточен, Анатолиев, един, и праздника того дне на ряду 3, и Миней святого 3. Слава, праздника или святого. И ныне, Богородичен 1-й гласа. Вход, прокимен дне и ектений. На литии стихиры праздника, стиховна вечерняя того дне. Слава, и ныне, праздника. На

стиховне стихіры воскресны. Слава, святаго. Аще ли ни: Слава, и ныне, праздника. На благословеніи хлебов тропарі: Богородице Дѣво, радуйся: двѣжды, и праздника, единойды, и чтеніе во Апостольских Посланиих.

На ўтрени, тропарь воскресный, двѣжды. Слава, святаго. Аще ли ни: Слава, и ныне, праздника. По кафізмах седальны воскресны с Богородичны их и чтеніе во Евангелии толковом. Таже непорочны и тропарі, Ангельский собор: и ипакой гласа, и чтеніе. Степенна и прокімен гласа. Евангелие воскресное. Воскресеніе Христово: и псалом 50, и прочее воскресно. Канон воскресный со ирмосом на 4, и Богородицы на 2, и праздника на 4, и святаго на 4. Катавасія праздника. По 3-й пѣсни кондак и ѿкос праздника или святаго и седален. Слава, и ныне, праздника. По 6-й пѣсни, кондак воскресный и ѿкос. На 9-й пѣсни, поем Честнейшую: Светілен воскресный. Слава, святаго. Аще ли ни: Слава, и ныне, праздника.

На хвалітех стихіры воскресны 4 и праздника 4, стиховна того дне, со Славным, с припѣвы праздника. Слава, стихіра евангельская. И ныне: Преблагословенна еси: По славословіи тропарь воскресный точию, и ектеній, и отпуст, и оглашеніе, и исхожденіе в притвор, и час 1-й.

На 1-м часѣ тропарь воскресный. Слава, праздника. И ныне, Богородичен часов. По Отче наш: кондак праздника и конечный отпуст.

На 3-м часѣ тропарь воскресный. Слава, святаго. Аще ли ни: Слава, праздника. По трисвятѣм кондак праздника и воскресный глаголем, пременяюще.

На Литургіи: Блаженны гласа на 6 и праздника, от канона пѣснь рядовую на 4. По входе тропарь воскресный и праздника, и храма святаго, и святаго, аще есть. Таже кондак воскресный и храма святаго или святыя. Слава, святаго, аще есть; аще ли ни: Слава, храма святаго. И ныне, праздника. Прокімен воскресный гласа и праздника. Апостол, аллилуія и Евангелие дне. Причѣстен: Хваліте Гóспода с небес: и праздника. Аще имать святый Апостол и Евангелие, тогда поем прокімен воскресный гласа и святаго. Апостол и Евангелие дне, и святаго. Причѣстен: Хваліте Гóспода с небес: и святаго.

## Молітва

Гóсподи Щѣдре и Мѣлостиве, Долготерпеліве и Многомѣлостиве, внуши молітву нашу и вонми гласу моленія нашего, сотвори с нами знаменіе во благо, настави нас на путь Твой, еже ходіти во истине Твоей, возвесели сердца наша, во еже

бояться Имене Твоего святаго. Зане велий еси Ты и творяй чудеса, Ты еси Бог един, и несть подобен Тебе в бозех, Господи, силен в милости и благ в крепости, во еже помогати и утешати и спасати вся уповающия на Имя святое Твое. **Аминь.**

### **Ина молитва**

**О** Преплагий Господи Иисусе Христе, Боже наш! Ты иногда человеческого образа Твое лице пресвятое омыв водою и отер убрусом, чудесное оно на том же убрусе изобразити и Едесскому князю Авгарю во исцеление недуга его послати благоволил еси. Се и мы ныне, грешнии рабы Твой, одержимии душевными и телесными недуги нашими, лица Твоего, Господи, ищем и с Давидом во смирении душ наших зовем: не отврати лица Твоего от нас и уклонися гневом от рабов Твоих, Помощник нам буди, не отрини нас и не остави нас. О Всемилостивый Господи, Спасителю наш! Вообрази Сам Себе в душах наших, да, во святые и правде жительствующе, будем сынове Твой и наследницы Царствия Твоего, и тако Тебе, Премилостиваго Бога нашего, купно со Безначальным Отцем Твоим и Пресвятым Духом, славити не престанем во веки. **Аминь.**

**Перенесение из Едессы в Константинополь Нерукотворного Образа Господа нашего Иисуса Христа** было в 944 г. Предание свидетельствует, что во времена проповеди Спасителя в сирийском городе Едессе правил Авгарь. Он был поражен по всему телу проказой. Слух о великих чудесах, творимых Господом, распространился по Сирии (Мф. 4, 24) и дошел до Авгаря. Не видя Спасителя, Авгарь уверовал в Него как в Сына Божия и написал письмо с просьбой прийти и исцелить его. С этим письмом он послал в Палестину своего живописца Ананию, поручив ему написать изображение Божественного Учителя. Анания пришел в Иерусалим и увидел Господа, окруженного народом. Он не мог подойти к Нему из-за большого стечения людей, слушавших проповедь Спасителя. Тогда он стал на

высоком камне и попытался издалека написать образ Господа Иисуса Христа, но это ему никак не удавалось. Спаситель Сам позвал его, назвал по имени и передал для Авгаря краткое письмо, в котором, ублажив веру правителя, обещал прислать Своего ученика для исцеления от проказы и наставления ко спасению. Потом Господь попросил принести воду и убрус (холст, полотенце). Он умыл лицо, отер его убрусом, и на нем отпечатлелся Его Божественный Лик. Убрус и письмо Спасителя Анания принес в Едессу. С благоговением принял Авгарь святыню и получил исцеление; лишь малая часть следов страшной болезни оставалась на его лице до прихода обещанного Господом ученика. Им был апостол от 70-ти святой Фаддей (память 21 августа), который проповедал Евангелие и крестил уверовавшего Авгаря и всех

жителей Едессы. Написав на Нерукотворном Образе слова «Христе Боже, всякий, уповая на Тебя, не постыдится», Авгарь украсил его и установил в нише над городскими воротами. Много лет жители хранили благочестивый обычай поклоняться Нерукотворному Образу, когда проходили через ворота. Но один из правнуков Авгаря, правивший Едессой, впал в идолопоклонство. Он решил снять Образ с городской стены. Господь повелел в видении Едесскому епископу скрыть Его изображение. Епископ, придя ночью со своим клиром, зажег перед ним лампаду и заложил глиняной доской и кирпичами. Прошло много лет, и жители забыли о святыне. Но вот, когда в 545 г. персидский царь Хозрой I осадил Едессу и положение города казалось безнадежным, епископу Евлавию явилась Пресвятая Богородица и повелела достать из замурованной ниши Образ, который спасет город от неприятеля. Разобрав нишу, епископ обрел Нерукотворный Образ: перед ним горела лампада, а на глиняной доске, закрывавшей нишу, было подобное же изображение. После совершения крестного хода с Нерукотворным Образом по стенам города персидское войско отступило. В 630 году Едессой овладели арабы, но они не препятствовали поклонению Нерукотворному Образу, слава о котором распространилась по всему Востоку. В 944 году император Константин Багрянородный (912—959) пожелал перенести Образ в тогдашнюю столицу Православия и выкупил его у эмира — правителя города. С великими почестями Нерукотворный Образ Спасителя и то письмо, которое Он написал Авгарю, были перенесены духовенством в Константинополь. 16 августа Образ Спасителя был поставлен в Фаросской церкви Пресвятой Богородицы. О последующей судьбе Нерукотворного Образа существует несколько преданий. По одному — его похитили крестоносцы во время их владычества в Константинополе (1204—1261), но корабль, на который была взята святыня, потонул в Мраморном море. По другим преданиям, Нерукотворный Образ был пе-

редан около 1362 года в Геную, где хранится в монастыре в честь апостола Варфоломея. Известно, что Нерукотворный Образ неоднократно давал с себя точные отпечатки. Один из них, т. н. «на керамии», отпечатался, когда Анания прятал образ у стены по пути в Едессу; другой, отпечатавшись на плаще, попал в Грузию. Возможно, что разность преданий о первоначальном Нерукотворном Образе основывается на существовании нескольких точных отпечатков.

Во времена иконоборческой ереси защитники иконопочитания, проливая кровь за святые иконы, пели тропарь Нерукотворному Образу. В доказательство истинности иконопочитания папа Григорий II (715—731) прислал письмо к восточному императору, в котором указывал на исцеление царя Авгаря и пребывание Нерукотворного Образа в Едессе как на общеизвестный факт. Нерукотворный Образ помещался на знаменах русских войск, ограждая их от врагов. В Русской Православной Церкви есть благочестивый обычай при входе верующего в храм читать вместе с другими молитвами тропарь Нерукотворному Образу Спасителя.

По Прологам известны 4 Нерукотворных Образа Спасителя: 1) в Едессе, царя Авгаря — 16 августа; 2) Камулианский; обретение его описал святитель Григорий Нисский (память 10 января); по сказанию преподобного Никодима Святогорца (†1809; память 1 июля), Камулианский образ явился в 392 году, но он имел в виду образ Матери Божией — 9 августа; 3) при императоре Тиверии (578—582), от которого получила исцеление святая Мария синклитикия (память 11 августа); 4) на керамии — 16 августа.

Праздество в честь перенесения Нерукотворного Образа, совершаемое в поспраздество Успения, называют третьим Спасом, «Спасом на холсте». Особое почитание этого праздника в Русской Православной Церкви выразилось и в иконописании: икона Нерукотворного Образа — одна из наиболее распространенных.



**Служба Ипостасней Премудрости Божией,  
Спасителю нашему Господу Иисусу Христу**

**НА ВЕЛИЦЕЙ ВЕЧЕРНИ**

**Блажен муж: 1-й антифён. На Господи, возвах:  
стихиры, глас 2:**

**Ч**то Тебе принесём, Христэ, / Единорóдный Сýне  
Бóжий, / Ангелы поклоняемый, / человеком воз-  
желанный и бесом войстинну страшный, / зеркало  
Присносущныя Славы, / любви Божия извеще-  
ние, / будущих благ обручение, / великое сокрови-  
ще душам; / даруй нам единомыслие, / мир и велию  
милость.

**К**ия священные песни / воспоём Тебе, Собезна-  
чальное Слово Отчее, / Егóже Херувими обстоят, и  
Серафими служат, / и вся Небесныя силы трепещут,  
/ всяка же тварь послушает, и бездны боются.  
/ Имже тьма отгнана бысть, и диавол упразднися,  
/ и свободися Адам от греховных уз, / Евины  
утолишася слезы; / даруй нам единомыслие, / мир и  
велию милость.

**К**óе благодарение воздадим Тебе, / Ипостасная  
Премудросте Божия, / Сладчайший Иисусе, Творче  
и Избавителю наш, / великия ради милости  
Твоея / плóтию человеком явлься, / и заблуждшее  
горохищное овча, взыскав / и на рамо взем, Отцу  
принесший, / Крестом и Крóвию очищено; / даруй  
вселенней единомыслие, / мир и велию милость.

**Тáже стихиры Успения 3, глас тойже: 1. Кíими  
недостóйными устнами: 2. Кáя страшная пения:  
3. Кáя духовная пения: (зри страницу 105).**

**Слава, глас 6:**

**Недр Отческих не разлучся, / Единорóдный  
Сýне Бóжий, / явился еси на земли / и с человеки  
пожил еси, / исполняя тайну Божественнаго смот-  
рения Твоего, / от век и от родов сокровенную / и  
ныне нам явленную / в спасительном пришествии  
Твоём. / Тёмже, безмерное Твоё человеколюбие**



величающе, / воспевáем Тя, / я́ко Творца́ и Избáвителя и Бóга нáшего.

**И ны́не, Успéния, глас 8:** Уверя́я, Иису́с, Сын Твой, Богорóдице, и Бог наш: **(пи́сана в сей день на стихóвне, зри страни́цы 107—108).**

**Таже вход. Прокíмен дне. И чтéния.**

**Притчей чтéние (глава́ 8):**

Госпо́дь созда́ Мя нача́ло путе́й Свои́х в дела́ Сво́я, / прэ́жде век основа́ Мя; / в нача́ле, прэ́жде не́же зéмлю сотвори́ти / и прэ́жде не́же бездны соде́лати, / прэ́жде не́же произы́ти исто́чником водны́м, / прэ́жде не́же горáм водрузи́тися, / прэ́жде же всех холмо́в ражда́ет Мя. / Госпо́дь сотвори́ страны́ и пусты́ни, / и концы́ населéны под небесéм. / Егда́ гото́вяше не́бо, с Ним бех, / и егда́ отлучáше Себе́ престóл на ветре́х, / егда́ крѣпки творя́ше вь́шния о́блаки; / и я́ко твёрды полага́ше исто́чники поднебѣсны́я, / внегда́ полага́ти мо́рю преде́л егó, / и во́ды не мимо́йдут уст Егó, / и крѣпка творя́ше основа́ния земли́, / бех к Нему́ подобна. / Аз бех, о не́йже ра́довашеся, / по вся же дни веселя́хся пред лицéм Егó на вся́ко вре́мя.

**Премúдрости Соломо́новы чтéние (глава́ 7):**

Всех Худóбница научи́ мя, Премúдрость; / есть бо в той Дух ра́зума свят, / единорóдный, многочáстный, / то́нкий, благодви́жный, / свѣтлый, несквѣрны́й, я́сный, / невре́дительны́й, благолю́бивый, остр, / невозбра́нен, благодѣлательен, человеколю́бив, / извѣстный, крѣпкий, безпеча́льный, / всеси́льный, всеви́дй / и сквозé вся проходя́й дýхи разумичны́я, чы́стыя, тонча́йшия. / Вся́каго бо дви́жения подви́жнейша есть Премúдрость: / достизáет же и прони́цает сквозé вся́ческая ра́ди Сво́ей чистоты́. / Па́ра бо есть си́лы Бóжия / и изли́яние Вседержи́теля сла́вы чы́стое: / сегó ра́ди ничто́же оскверне́но на ню напа́дает. / Си́яние бо есть Свѣта Присносу́щнаго, / и зерца́ло непоро́чно Бóжия дѣйствия, / и о́браз благосты́ни Егó.

**Проро́чества Иса́иина чтéние (глава́ 25):**

Госпо́ди, Бóже мой, просла́влю Тя, / воспою́ Имя Твоё, я́ко сотвори́л еси́ чýдная дела́, / совет

древний истинный: / да будет, Господи. / Яко положил еси грады в персть, / грады твердыя, еже пасти основанием их, / нечестивых град да не созиждется в век. / Сего ради благословят Тя людие нищии, / и гради человеков обидимых возблагословят Тя. / Был бо еси всякому граду смиренному Помощник, / и изнемогающим за оскудение покров, / от человек злых избавиши их: / покров жаждущих и дух человеков обидимых. / Аки человецы малодушнии, жаждущии в Сионе, / яко избавиши их от человек нечестивых, / имже нас предал еси. / И сотворит Господь Саваоф всем языком: / на горе сей испиют радость, испиют вино. / Помажутся миром на горе сей; / предаждь сия вся языком: / той бо совет на вся языки. / Пожертва будет смерть возмогши, / и паки отъят Господь Бог всяку слезу от всякаго лица; / поношение людей отъят от всей земли, / уста бо Господня глаголаша сия. / И рекут в день оный: / се Бог наш, Наньже уповахом, и спасет нас; / Сей Господь, потерпехом Его, и возрадовахомся, / и возвеселихомся о спасении нашем.

**На литии стихиры Успения, глас 1: Подобаше самовидцем Слова и слугам: Таже глас 2: Всенепорочная Невеста: Слава, и ныне, глас 3: Приидите, вси концы земнии (писаны на самый праздник, зри страницы 37—38).**

**На стиховне стихиры Успения со стихий их (зри страницы 38—39).**

### **Слава, Премудрости, глас 6:**

Господи, воплотился еси, якоже восхотел еси, / избволил еси восприяти нищету нашу / и богатство благосердия показал еси. / Славим Тя, Человеколюбче, / смотрения Твоего таинство почитающе / и молящися даровати нам оставление прегрешений наших, / мир и велию милость.

**И ныне, Успения, глас 4: Егда изшла еси, Богородице Дево: (писана на самый праздник, зри страницу 39).**

**На благословении хлебов тропарь Премудрости, дважды. И Успения, единожды.**

### Тропáрь Премудрости, глас 1:

**Н**а Престоле огнезрáчнем / в Вѣшних седя́й со  
 Отце́м Безнача́льным и Божѣственным Твоѣм  
 Ду́хом, / благоволи́л еси́ явѣтися на землѣ, я́ко  
 человек, / исполня́я предвѣчный о нас Совет  
 Святы́я Трѣицы, Христѣ Иисусе; / сегó ра́ди и  
 пострадал еси́ плóтию, / да спасе́ши мир и вознесе́-  
 ши избра́нныя Твоѣ, / иде́же присно, я́ко Бог, во  
 сла́ве ца́рствуеши. / Сла́ва всеблагóму Твоѣму́  
 Совету́, / сла́ва премудрому смотре́нию Твоѣму́, /  
 сла́ва неизрече́нному снизхожде́нию Твоѣму́, Еди́-  
 не Человеколю́бче.

### Ин тропáрь Премудрости, глас 8:

**П**ремудрость Отчая, / Сия́ние сла́вы и О́бразе  
 Ипостáси Егó, / в нача́ле Небеса́ и зѣмлю  
 основа́вый, / благослови́ достойние Твоѣ, / сохрани́  
 в ми́ре Цѣрковь и град Твоѣ и лю́ди Твоѣ спаси́.

#### НА УТРЕНИ

**На Бог Господь: тропáрь Премудрости, двáжды.**  
 Сла́ва, и ны́не, Успѣния.

**По 1-м и 2-м стихослóвниих седáльны Успѣния**  
*(зри страницу 40).*

#### Велича́ние:

**Велича́ем Тя, / Единоро́дный Сы́не Бóжий, Иисусе**  
 Христѣ, / вся премудростию Твоѣю в нача́ле  
 сотворшаго / и челове́ческий па́дший род от  
 вѣчныя смѣрти / всеми́лостивно искупѣвшаго.

**По полиелѣи седáлен Успѣния** *(зри страницу 40).*

**Та́же степѣнна, 1-й антифóн 4-го глása. Прокі́-**  
**мен, глас 4: Прииді́те, возра́дуемся Гóсподеви, /**  
**восклі́кнем Бóгу, Спасі́телю нашему. Стих: Из-**  
**бавле́ние послá лю́дем Своѣм, заповѣда в век завет**  
**Своѣ. Вся́кое дыха́ние: Ева́нгелие от Иоáнна**  
**(глава́ 3, ст. 13—17): Рече́ Господь: никто́же взы́де**  
**на Небо: конѣц: но да спасе́тся Им мир.**

**По 50-м псалме́, Сла́ва: Вся́ческая днесь ра́дости**  
**исполни́шася, / Бог Господь, и явѣся нам.**

**И ны́не, то́йже.**

**Та́же Помі́луй мя, Бóже: и стихи́ра, глас 6** *(зри*  
**Сла́вник на Гóсподи, воззва́х: страницы 144—145).**

**Каноны Иисусу Сладчайшему, глас 2 и Успению сего дне, глас 1.**

**Канон Иисусу Сладчайшему. Песнь 1**

**Ирмос:** Во глубинѣ постла иногда / фараонѣтское всебѣинство преоруженная сила, / воплощенное же Слово всезлѣбный грех потребило есть: / препрославленный Господь славно бо прослави-ся.

**Иисусе Сладчайший Христѣ, Иисусе Долготерпеливе, / души моея язвы исцели, Иисусе, / и услади сердце мое, Многомилостиве, молюся, / Иисусе, Спасе мой, да величаю Тя, спасаемый.**

**Иисусе Сладчайший Христѣ, Иисусе, отверзи покаяния ми дверь, Человеколюбче Иисусе, / и приими мя, Тебѣ припадающа и тепле просяща, / Иисусе, Спасе мой, согрешений прощения.**

**Иисусе Сладчайший Христѣ, Иисусе, исхити мя из руки льстиваго величара, Иисусе, / и сотвори деснаго предстоятеля славы Твоея, Иисусе, Спасе мой, / части шуйя мя избавляя.**

**Богородичен:** Иисуса рождающая Бога, Владычице, / моли о непотребных рабѣх, Пречистая, / яко да муки молитвами Твоими избавимся, Нескверная, оскверненнии, / славы присносущныя наслаждающесе.

**Песнь 3**

**Ирмос:** На камени мя веры утвердив, / расширил еси уста моя на враги моя, / возвесели бо ся дух мой, вневгда пѣти: / несть свят, якоже Бог наш, / и несть праведен, паче Тебѣ, Господи.

**Услыши, Человеколюбче Иисусе мой, раба Твоего, вопиюща во умилении, / и избави мя, Иисусе, осуждения и муки, / Единые Долготерпеливе, Иисусе Сладчайший Многомилостиве.**

**Подыми раба Твоего, Иисусе мой, припадающа со слезами, Иисусе мой, / и спаси, Иисусе мой, кающагося мя и геенны, Владыко, избави, / Иисусе Сладчайший Многомилостиве.**

**Время, Иисусе мой, еже дал ми еси, во страсти издих, Иисусе мой. / Темже, Иисусе мой, не отвержи мя, но воззови, молюся, / Владыко, Иисусе Сладчайший, и спаси.**

**Богородичен:** Дѣво, рѣждшая Иисуса моего, / моли избавити мя геены, / единое предстательство оскорбляемых, Богоблагодатная, / и сподоби мя жизни, Всенепорочная, нестарѣющая.

**Таже ипакои Успѣния, глас 8 (зри страницу 42).**

#### Песнь 4

**Ирмос:** Пришел еси от Дѣвы не ходатай ни Ангел, / но Сам, Господи, воплощся, / и спас еси всего мя, человека. / Тем зову Ти: слава силе Твоей, Господи.

Исцели, Иисусе мой, души моея язвы, Иисусе мой, молюся / и руки мя исхити, Иисусе мой Благоутробне, душетленного велиара и спаси.

Согреших, Иисусе мой Сладчайший, Благоутробне, / Иисусе мой, спаси мя, прибегающаго к покрову Твоему, Иисусе Долготерпеливе, / и Царствия Твоего мя сподоби.

Никтоже согрешити, Иисусе мой, якоже согреших аз, окаянный, / но припадаю, моляся: / Иисусе мой, спаси мя и жизни, Иисусе мой, наследие ми даруй.

**Богородичен:** Всепетая, Иисуса рѣждшая Господа, / Того моли избавити муки вся, поющая Тя, / и Богородицу воистинну именующая.

#### Песнь 5

**Ирмос:** Просвѣщение во тьме лежащих, / спасение отчаянных, Христѣ, Спасе мой, / к Тебѣ утреню, Царю мира, / просвети мя сиянием Твоим, / иного бо, разве Тебѣ, бога не знаю.

Ты просвѣщение, Иисусе мой, ума моего, / Ты спасение отчаянных души моея, Спасе, / Ты, Иисусе мой, муки избави и геены мя, зовуща: / спаси, Иисусе мой, Христѣ, мя, окаяннаго.

Всеконечно, Иисусе мой, к страсти безчестия низвержен, ныне зову: / Ты, Иисусе мой, помощи ми руку низпослав, исторгни зовуща: / спаси, Иисусе мой Христѣ, мя, окаяннаго.

Осквернен ум, Иисусе мой, обнося, взываю Ти: / очисти мя от скверны прегрешений / и избави мя во глубины злобы от неведения низпоползшагося, Спасе Иисусе мой, / и спаси мя, молюся.

**Богородичен:** Иисуса рождающая, Отроковице Богородительнице, / Того умоли спасти вся православныя, монахи и мирския / и геенны избавити зовущия: / разве Тебе предстательства твердаго не знаем.

### Песнь 6

**Ирмос:** В бедне греховней валяясь, / неизследную милосердия Твоего призываю бедну: / от тли, Боже, мя возведи.

Иисусе мой, Христэ Многомилостиве, / исповедующаяся прими мя, Владыко, о Иисусе! / И спаси мя, и от тли, Иисусе, мя исхити.

Иисусе мой, никтоже бысть ин блудник, якоже аз, страстный, / о Иисусе Человеколюбче, / но Ты, Иисусе, мя спаси.

Иисусе мой, блудницу, и блуднаго, и Манассию, и мытаря преидох, о Иисусе мой, страстми, / и разбойника, Иисусе, и ниневитяны.

**Богородичен:** Иисуса Христа моего рождающая, Пречистая Дево, едина нескверная, / осквернена суща мя молитв Твоих иссопом ныне очисти.

### Кондак Премудрости, глас 8:

**И**збранному прежде век соделати спасение мира, / Великаго Совета Ангелу, Сыну Божию, Иисусу Христу, / приидите, вернии, поклонимся и припадём Ему, / славяще неизреченное о нас Божественное смотрение, / и, яко избавлении от вечныя смерти, / вознесём Ему, Спасителю нашему и Богу, благодарственную песнь, / душами чистыми и нескверными устнами взывающе: / слава Тебе, Господи, слава Тебе.

### Икос:

**И**же прежде денницы Божеством Твоим / на Небесех от Отца без матери рожден / и временно человечеством на земли без отца от Пречистой Девы возсиявый, / и, вочеловечився, Божество Свое во плоти показавый, / и волею плотию крестную смерть приимый, / и погребением еси ада пленивый, / и самовластно из мертвых плотию воскресый, / и на Небеса ко Отцу плотию возне-

сыйся, Един сый Святыя Троицы, / спокланяемый со Отцем и Святым Духом. / Слава Тебе, подающему велию милость, слава Тебе.

### Песнь 7

**Ирмос:** *Образу златому, на поле Деире служиму, / трие Твой отроцы небрегоша безбожнаго веления, / посреде же огня ввержени, орошаеми, пояху: / благословен еси, Боже отец наших.*

**Христэ Иисусе,** никтоже согреши на земли от века, о Иисусе мой, / якоже согреших аз, окаянный и блудный. / Темже, Иисусе мой, вопию Ти: / поюща мя ущедри, благословен еси, Боже отец наших.

**Христэ Иисусе,** ко страху Твоему, вопию, пригвозди мя, о Иисусе мой, / и окорми ныне ко пристанищу благоотпшному, / яко да, Иисусе мой Щедре, пою Ти спасаемый: / благословен еси, Боже отец наших.

**Христэ Иисусе,** тьмами обещах Тебе страстный, / о Иисусе мой, покаяние, но солгах, окаянный. / Темже, Иисусе мой, вопию Ти: / нечувственне пребывающую душу мою просвети, Христэ, отец Боже благословен еси.

**Богородичен:** *Христа Иисуса рождающая странно и паче естества, / Того моли, Всенепорочная, яже чрез естество мое прегрешения вся прости ми, Отроковице, / да зову, спасаемый: / благословенна еси Бога плотию рождающая.*

### Песнь 8

**Ирмос:** *В пещь огненную ко отроком еврейским снишедшаго / и пламень в росу преложшаго Бога / пойте, дела, яко Господа / и превозносите во вся веки.*

**Тя, Иисусе мой,** молю, якоже блудницу, Иисусе мой, избавил еси многих согрешений, / тако и мене, Иисусе, Христэ мой, избави, / и очисти оскверненную душу мою, Иисусе мой.

**Преклонився,** Иисусе, безсловесными сластями, / безсловесен явихся и скотом воистинну, о Иисусе мой, страстно окаянный уподобихся, Спасе: / темже, Иисусе, безсловесия мя избави.

**Впад, о Иисусе, в душелённые разбойники, / обнажись одежды, Иисусе мой, боготканная нѣне / и лежѹ, ранами уязвлен; / елей, Христѣ мой, возлей на мя и вино.**

**Богородичен: Иисуса моего и Бога носившая Христа несказанно, Богородице Маріе, / Того моли присно / от бед спастись рабом Твоим и певцем Твоим, Неискусомужная Дѣво.**

### Песнь 9

**Ирмос: От Бога Бога Слова, / неизреченною мудростию пришедшаго обновити Адама, / ядлю в тлѣние падшаго люте, / от Святыя Дѣвы неизреченно воплотившагося нас ради, / вернии, единомудренно пѣсньми величаем.**

**Манассію, Иисусе мой, мытаря, блудницу, блуднаго, Щедре Иисусе, / и разбойника приидох, Иисусе мой, в дѣлах стѹдных и безмѣстных, Иисусе, / но Ты, Иисусе мой, предварив, мя спаси.**

**От Адама, Иисусе мой, согрешившия вся прѣжде закона и в законѣ, Иисусе, / и по законѣ, окаянный, и благодати, Иисусе мой, победих страстьми окаянно; / но Ты, Иисусе мой, судьбами Твоими спаси мя.**

**Да не отлучен буду, Иисусе мой, неизреченная Твоея славы, / да не улучу части, Иисусе, шуия, Сладчайший Иисусе, / но Ты мя десным овцам Твоим, Христѣ Иисусе мой, сочетав, упокой, яко Благоутробен.**

**Богородичен: Иисуса, Богородице, Егѹже носила еси, Едина Неискусомужная Дѣво Маріе, / Того, Чистая, умилостиви, яко Сына Твоего и Жиздителя, / избавити притекающія к Тебѣ искушений, и бед, и огня будущаго.**

**На 9-й пѣсни Честнейшую: не поѣм, но поѣм припѣв Премудрости: Величай, душе моя, / соделавшаго спасѣние посреде земли Христа Жизнодавца.**

**Светялен Успѣния: Апостоли от конец: (зри страницу 48).**



### На хвалітех стихіры Успѣнія на 4, глас 4:

**1.** В славном успѣнии Твоѣм: **2.** От концѣ стекóшася: **3.** Яже Живót рóждшая: (зри страни́цы 48—49).

### Сла́ва, глас 6:

Преклоні́л еси́ Небеса́, Непостижи́ме Го́споди, /  
сшел еси́ во чре́во Дѣвѣя, Неопісанне, /  
быв из Нея́ Человѣк существо́м же и естество́м, /  
да спасе́ши челове́чество /  
кра́йняя ра́ди Твое́й мѣлости.

**И ны́не, Успѣнія, глас 1:** Подобáше самовѣдцем  
Слóва и слугáм: (зри страни́цу 37).

**Славослóвие вели́кое. Ектений. И отпу́ст.**

### НА ЛИТУРГІИ

Блаже́нны от канóна Успѣнія, **песнь 1-я на 4 и Премудро-**  
**сти, песнь 6-я на 4. По вхо́де поѣм:** Спаси́ ны, Сѣ́не Бо́жий,  
прише́дый спасти́ мир, пою́щая Ти: аллилу́ия. **Прокі́мен,**  
**глас 4:** Я́ко возвели́чишася дела́ Тво́я, Го́споди, /  
вся премудрости́ю сотвори́л еси́. **Стих:** Благосло́ви, ду́ше мой,  
Го́спода, Го́споди Бо́же мой, возвели́чился еси́ зело́.  
**Апóстол, 1 Иоáннова послáния (глава́ 4, ст. 9—14):** Возлóб-  
ленни, о сем я́вися любви́ Бо́жия в нас: **конѣц:** я́ко Оте́ц  
посла́ Сѣ́на Спасі́теля мѣру. **Аллилу́ия, глас 3:** **Воспойте**  
**Го́сподеви песнь но́ву, воспойте Го́сподеви, вся земля.**  
**Стих:** Возвесті́те во я́зыцех сла́ву Егó, во всех лóдех  
чудеса́ Егó. **Ева́нгелие от Лу́ки, зача́ло 13. Прича́стен:**  
**Избавле́ние посла́ Господь лю́дем Сво́йм.**

### На моле́бне

**Прокі́мен у́тренний. Ева́нгелие от Иоáнна (глава́ 12,**  
**ст. 46—50):** Рече́ Господь ко прише́дшим к Немú иуде́ом: Аз  
свет в мир приидóх: **конѣц:** я́коже рече́ Мне Оте́ц, та́ко  
глаго́лю.

### Моли́тва

**Спасі́телю на́шему, Го́споду Иисúсу Христу́**

**Вла́дыко Многоми́лостиве, Го́споди Иисúсе Хри-**  
**сте́, Безнача́льнаго Отца́ Собезнача́льный и Соп-**  
**рисносúщный Сѣ́не, Непостижи́мая Му́дросте,**  
**Непристу́пный Све́те, Вседѣтельная и Всесо́дер-**  
**жи́тельная Сѣ́ло, всемо́гущим слóвом Тво́им от не**  
**су́щих во е́же бы́ти приве́дши́ всяческа́я и вседе́р-**  
**жа́вною во́лею Тво́ею управля́й и устраи́й всем**  
**благопотре́бная и полѣзная! Благода́рно испове́-**  
**дуем Тво́е Боже́ственное о нас промышле́ние,**  
**велича́ем непостижи́мую та́йну Твое́го смотре́ния**

и с вѣрою приѣмлем спасительную благодать Твою. Ты бо, неизглаголанная благостыне, не по беззаконіем нашим творяй нам, но по безмѣрному благоутрѣбію Твоему мѣлуй и спасаай нас, благоизволил еси, исполняя Совѣт и изволеніе Отчее, истощив Себѣ, снѣти на зѣмлю и немощное естество человѣческое воспріяти, в немже пострадав волю, заклался еси на крестѣ, яко агнец непорѣчный, за грехи мѣра, и, сим страшным и спасительным священнодѣйствием преклонив правду Божественную на мѣлость, Ходатай Богу и человеком явился еси, и падшее и растленное естество наше возставил еси, и обновил и освятил еси, яко бѣти вѣрующим в Тя и Небеснаго Бога Отца святым и непорѣчным, в наслѣдіе нетленно и неувядаемо, соблюдено на Небесѣх. Тѣмже молимся Тебѣ, Спасителю наш, прѣзри мѣлостивно на нас, и прѣими наше исповѣданіе, хвалу и благодареніе за вся, яже воздал и уготовал еси нам, вѣрующим в Тя и исповѣдующим всесвятѣе Имя Твое. Спаси, Господи, люди Твоя и благослові достояніе Твое. Помяни в щедрѣтах Твоих Церковь Твою святую, юже стяжал еси честною Твоею Крѣвлю, утверди, умири, разшири и сохрани ю непреобориму и непоколебиму и адовыми вратами, но да сокрушатся пред нею и исчезнут вся сопротивныя силы и да расточатся вси врази, видимо и невидимо ополчающіися, еже озлобити достояніе Твое и разорити завет святыи Твой. Осени Божественным благословеніем Твоим страну Россійскую, сохраняя ю в мѣре, благодѣнствии и тишинѣ, побѣду же и одолѣніе на супостаты ей даруя. Отжени от правовѣрнаго отѣчества нашего всякаго дѣха лѣстча, вносящаго к нам плѣвелы ложных ученій и сілящагося водворити у нас нравы и обычаи, противныя святым заповѣдем Твоим; утверди нас в Православнем исповѣданіи вѣры и содейлай ны ревнители отѣческих преданій и всяких добрых христіанских дел, да вѣну сияет в отѣчестве нашем свет истинный и славится в род и род пречестное и пребожественное Имя Твое. Спаси, Господи, и помѣлуй град сей, в немже живѣм, и вся грады и веси, и всю страну благосло-

вѣнныя пѣсты Россійскія; всех православно вѣрующихъ в Тя в мѣре, тишинѣ и благодѣнствіи соблюди, Цѣркви Святѣй и всякому началу и власти послушны и благопокорны содейлай и всеми христіанскими добродѣтелями украси, отпадшія же и противящіяся к единенію с Святою Православною Цѣрковию спасительною Твоею благодатию призови, божественнымъ словомъ Твоимъ просвети и обрати, яко Благій и Человеколюбецъ. Спаси, Господи, и святій храмъ сей, егѣже поставилъ и утвердилъ еси, яко столпъ крѣпости, даже до сего дня, многое число летъ неразрушимо и невредимо сохраняя, в немъже в молитвахъ призываемъ Тя и служимъ Тебѣ, живущему на Небесѣ Царю вековъ, имъже украшается и освящается градъ нашъ и низпосылается Твоя Божественная благодать на вся грады и веси страны нашей. Да пребудетъ на немъ, молимъ Тя, Господи, и во предняя в родъ и родъ Твое Божественное благословеніе, да приносится в немъ вѣну благоприятная Тебѣ молитва и да изливается чрезъ него на всехъ молящихся и с вѣрою призывающихъ Тя Твоя спасительная благодать, милующая и избавляющая насъ отъ всехъ бедъ. Помяни, Господи, во Царствіи Твоемъ рабъ Твоихъ (*имя рек*), воздвигшихъ Тебѣ сей святій и приснопамятный домъ на землѣ во славу премудрости Твоея, явленныя в тайне спасенія мѣра, и в похвалу всечестнаго и всеблаженнаго успенія Пречистой Матере Твоея, и, простивъ имъ вся, яже соделаша, яко человецы, прегрешенія, вѣры ради и любви къ Тебѣ, Богу и Спасителю нашему, воздаждь имъ Небесными и вѣчными благими в Пренебеснемъ и Божественномъ домѣ Твоемъ. Помяни в щедротахъ Твоихъ, Милостиве, преосвященныхъ иерарховъ, от созданія храма сего благоуукрашенію его усердно послужившихъ, и всехъ православныхъ христіанъ, с вѣрою и любовью плодоносившихъ и добродѣявшихъ в немъ и нынѣ святыми жертвами и благотвореніи поревновавшихъ к благолѣпію и славе его, и о немъ блаженное упокоеніе и вѣчное радованіе в Царствіи Небеснемъ, симъ же здравіе, благодѣнствіе и в вѣре и благихъ дѣлахъ преспѣяніе ко спасенію душъ всемилостивно даруй.

Премудрый и Всеблагий Господи, Спасителю наш! Просветивый сиянием пришествия Твоего мира концы и сопризывавый нас в Церковь Твою Святую с обетованием наследия нетленных и вечных благ, призри милостивно и на нас, недостойных рабов Твоих, и не помяни беззаконий наших, но по безмерному благоутробию Твоему ослаби, остави, прости нам вся прегрешения наша. Аще бо и преступаем святую волю Твою, но не отменяем Тебе, Бога и Спаса нашего: Тебе единому согрешаем, но и Тебе единому служим, в Тя единого веруем, к Тебе единому прибегаем и Твой точию рабы быти хотим. Помяни немощь естества нашего и обдержавшая нас повсюду искушения врага и прелести и соблазны мира, ихже ради без Тебе, якоже рекл еси, не можем творити ничесоже, и Сам очисти и спаси нас, Сам просвети умы наша, еже непоколебимо веровати в Тя, Единого Спаса и Избавителя нашего, Сам подвигни сердца наша, еже всецело любити Тя, Единого Бога и Творца нашего, Сам направи стопы наша, еже непреткновенно ходити во свете заповедей Твоих. Ей, Господи, Спасителю наш, яви нам великую и богатую милость Твою, Иже по неизглаголанней любви Твоей и страдати за нас избволил еси, и всеильною Божественною Твоею благодатию, предстательством же Пречистыя и Пренепорочныя Святыя Матере Твоея Марии, Еяже честное и блаженное успение и к Тебе, Сыну и Богу, Пренебесное возшествие ныне празднуем, и молитвами угодников Твоих, страну нашу честными телесы освящающих и вину пред Тобою за нас ходатайствующих, сотвори, да в преподобии и правде проживем вся дни живота нашего, и тако достойни будем во второе славное пришествие Твое услышати от Тебе милостивое призывание в Царствие Небесное, еже получитьи сподоби нас, грешных и недостойных рабов Твоих, и в наслаждении неизреченных красот его славити Тя вкупе с Безначальным Твоим Отцем и Присносущным Божественным Духом во веки веков. **Аминь.**

**Исторические сведения смотри на страницах 97—104.**



**Празднование  
Пресвятѣй Владѣчице нашей  
Богородице и Приснодеве Маріи  
ради иконы Ея, именуемая «Феодоровская»**

**НА МАЛОЙ ВЕЧЕРНИ**

**На Господи, возвах: стихиры, глас 1.**

**Подобен: Небесных чинѡв:**

**Н**ебесныя силы вся радуются и веселятся, / и преславно служат чудней Божия Матере иконе, / и к веселію град Костромѹ и всю страну Русскую созывают, / и спасеніе мірови скажут, / возвещающе Царіцы пречуднаго образа пришествіе, / всем верным твердое огражденіе и заступленіе.

**Т**воего образа, Пресвятая Владѣчице, пришествіе / и преславное всем верным явленіе зряще, / ужасни быша костромстии жители / и радости вси исполнися, / видяще таковое преславное Божия Матере сокровище, / спасеніе и просвещеніе душ наших.

**С** премірными чины ангельскими / днесь вси, народи русстии, духовно возвеселимся, / празднующе торжество Божия Матере, / пречудное Царіцына образа к нам пришествіе; / источник мірови приснотекущій явился днесь, / незавістныя дары и исцеленіе всем подай.

**Слава, и ныне, глас 5:**

**Странно чудо пришествия / Твоего пречистаго образа, Владѣчице, / удивляет же и просвещает земнородныя / светоносною своею благодатию, / омрачает и прогоняет полки иноплемѣнныя, / подает здравіе и одоленіе на сопротивныя верным людем, / но, о Дево и Мати Чистая, рождающая Царя Христа, / Преблагословенная Владѣчице, / удиви и на мне щедроты Твоя милосердыя, / да со всеми и аз пою Твоя преславная величія.**

## На стихóвне стихи́ры, глас 2.

Подóбен: Егда́ от Древа:

**О** Дéво Госпожé Богорóдице, / ко́е Тебé ны́не принесём благодарéние / мы, недостóйнии раб́и Тво́й, / или́ ќия достóйныя пёснии воспое́м / свето-за́рнаго Тво́его о́браза цельбоно́снаго явлéнию / и Превéчнаго Младéнца, Бóжия Сло́ва, / Христа́ Бóга нашего́ и Царя́ всех?

**Стих:** Слы́ши, Дщи, и виждь, / и приклонí у́хо Твоё.

**О** Пресвята́я Госпожé, Дéво Богорóдице, Влады́чице, / не забуди́ нас, смире́нных и недостóйных раб́ Тво́их, / умíльно чудотво́рней Твоё́й ико́не покланя́ющихся / и благочéстно восхваля́ющих Тво́я пресла́вная вели́чия, / Ты бо спаса́еши нас от всех бед и напáстей / Ма́терними Тво́ими моли́твами.

**Стих:** Лицу́ Тво́ему помóлятся / богáтии лю́дстии.

**О** Всепéтая Ма́ти, Дéво Богорóдице, / умилосéрдися на моле́ние наше, / грёшных и недостóйных раб́ Тво́их, / Твоё́ бо есмь́ вси достоя́ние, / всех нас помíлуй, Пречы́стая, / на Тя́ бо вси наде́жду возлага́ем, смире́ннии, / приими́ слéзное наше приноше́ние / и изба́ви от вся́кия ско́рби и ну́жды рабы́ Сво́я.

### Сла́ва, и ны́не, глас то́йже:

**О,** т́хое и необори́мое пристáнище / всем ско́рбным еси́, / притека́ющим к Тебé, Дéво Богоне-вёсто! / Ко́е Тебé принесём благодарéние, / конéчное наше неможéние позна́вше? / В́идяще к нам Тво́его чудотво́рнаго о́браза пришéствие, / незави́стныя да́ры целёбныя нам пода́юща, / мо́лимтиса, Всепéтая, и Тебé про́сим / неотсту́пно с нами пребывáти во ве́ки, / всем пода́ющи ве́лику мýлость.

### Тропа́рь пи́сан на вели́цей вече́рни.

#### НА ВЕЛИ́ЦЕЙ ВЕЧÉРНИ

**Блажён муж:** 1-й антифо́н. На Го́споди, воззва́х: стихи́ры на 8, глас 2.

Подóбен: Ќйими похва́льными венцы́:

**Ќйими** светогла́сными пёсньми / воспое́м Бого-ро́дицу? / Честне́йшую все́я тва́ри, и Святе́йшую

Херувім и Серафім, / и всех святых Царіцу, / в Нейже благоизволи вселітисѧ Вѣшній / и еже о Ней спасеніе міру содела, / ныне же в Божественном торжествѣ святыя Своея иконы / подающую всем верным богато целѣбныя милости.

**К**ѣими немолчными пѣнии / воспоѣм Богородицу? / В болѣзнях Врачебницу / и печальным всем утешеніе, / в нѣждах сущим скорое поможеніе, / злославным всем посрамленіе, / Еяже ради к нам милости, явленія святыя иконы, / шатанія врагов Христос низложі, / имей вѣлию милость.

**К**ѣими пророческими вещаніи / похвалім Богородицу? / В дальних странах вся видящи, / и отстоящих, яко близ сущих, являющихся Помощница Неложная, / и всю вселенную назираючи, ныне Божественным сокровищем Своим, / пречуднаго образа явленіем, / град Костромѣ и всю страну Россійскую обогатила еси, / подаючи всем целѣбныя Своя милости.

### **Ины стихіры, глас 5:**

**Р**адуйся, надеждо наша и Заступнице, / Преблагословенная Дѣво Богородице, / Яже радость от Ангела приѣмшая / и рождающая Божію Ипостасную Премудрость, / Слово, Отчее Сіяніе, / Благословенная Пресвятая Богоневѣсто, / Едина от всех Всепѣтая, / христианом в бѣдах Скорая Помощнице / и теплое наше заступленіе, / православных всех похвало превысокая / и славо верным превознесенная, / Пастыреначальнице наша Русская предобрая, / Яже ныне заблуждших нас взыскавшая / и пречудный Свой образ к нам послати изволившая, / подаючи нам разрешеніе грехов / и вѣлию милость.

**Р**адуйся, Пресвятая Дѣво Богородице, / спасенія нашего Ходатаице / и всем радости и благословеніе, / Ты бо Едина еси Небесная Царіца, / краснейшая Ангелов и человек, / Иисуса плотию родила еси, / Прекраснаго паче всех сыновъ человеческих, / и на пречистых руках Твоих Того носила еси, / и ныне пречуднаго Твоего образа явленіем / видим Того, Избавителя своего, / с Тобою к нам пришедшаго / на взысканіе нас,

заблуждших, / подай очищение грехов / и велию милость.

**Р**адуйся, вся христоролюбивая Русская земле, / слава бо Господня на тебе возсия / преславным явлением пречистыя иконы Богоматере, / пречудно бо к нам днесь прииде, / дивным промыслом всех Бога явися. / Ликуй ныне и веселися, царствующий граде Москва, / яко приял еси в пределы твоея области / свыше сияющую Божества зарю, / чудес благодать неизчерпаемую, / веселися и светло торжествуй, граде Кострома. / Красуйся и радуйся, церкви Божия, / уяснися бо твоя доброта паче Аарона кивота, / ибо имеши в себе великое вселенныя сокровище, / пречудную икону Божия Матере, / Яже дарует нам великую и богатую милость.

### **Слава, и ныне, глас 6:**

**Д**несь радуется верных множество, / яви бо ся Божественная икона Твоя, Владычице, / на месте пустынем, / на соснове древе стоящи, / яко многосветлое солнце, светом великим сияющи / и лучи милости повсюду испущающи, / вся верныя просвещает. / Днесь, ликовствуя, великомученик Феодор Стратилат Тебе служит / и, почитаая Тя, от места на место икону Твою преносит, Богомати, / донес же Богоизбраннаго места, / благоговейно поставляет, с достойным славословием. / Мы же что Ти принесем, брэннии, / и кое благохваление пришествию Твоему сотворим? / Недоумеваем, точно удивляемся, / величающе Твое милосердие, / еже на нас показала еси, / граду бо Твоему щит и победу даровала еси. / Но, о Пресвятая, / молися прилежно Сыну Твоему и Богу нашему / даровати стране нашей на враги победы, / и миру умирение, / и душам нашим велию милость.

**Вход. Прокимен дне. И чтения 3 Богородичная (зри страницы 35—37).**

### **На литии стихиры, глас 5:**

**П**риидите, возрадуемся Приснодеве, / вси празднотлюбцы, русстии собори, / пречудное явление



иконы Божия Матере ублажим, / источает бо нам неоскудныя милости, / и избавляет от всяких бед и напастей, / и освещает Своєю милостию, / тем, вси вернии, сошедшеся в преславнем Ея торжествѣ, / чистыми усты и сердцы / и пении духовными празднуем светло.

**Глас 8:** Первее написавшейся Твоей иконе / Евангельских таин благовестником / и Тебе, Царице, принесенней, / да усвоиши ту и сильну соделаеши спасти чтущия Тя, / порадовася, яко сущи милостива / спасения нашего Содетельница, / яко уста и глас иконе бывши, / якоже и Бога в негда зачинаючи во чреве, / песнь воспела еси: / се отныне ублажат Мя вси роди. / И, на ту зрящи, глагола еси со властью: / с сим образом благодать Моя и сила. / И мы истинно веруем, / якоже рекла еси, Госпоже, / сим образом с нами еси. / Тем, благоговейно предстояще, / покланяемся Тебе, раби Твои, / посети ны Твоими Матерними щедротами.

**Кто** от земных доволен / или достойно может повѣдати / преславная чудеса Божия Матере? / Явлением Ея чудотворнаго образа / страна Русская просветися, / вся же уяснися, / аер\* зарю испущает, / Ангели веселятся и человецы духовно радуются, / славный же град Кострома весело торжествует / и народи вси псаломски ликовствуют, / видяще неизреченное сокровище, / пречудную икону Божия Матере, / вся верныя Своя люди озаряющия, / на крайнее наше спасение / и утверждение душ наших.

**Глас 4:** Да каплют облацы вси сладость, / Небеса да возвещают нам радость, / земля и море, вся тварь веселится, / человецы, духовно торжествуйте, / восплещайте руками, гласом радования / во благознаменитый день явления иконы Божия Матере / воспойте, воистинну бо видите чудо преславное, / како прииде к нам пречудная икона Богоматере, / несомая угодником Своим, святым Феодором Стратилатом, / никим же знаема, или откуда прииде, / последи же о ней вся явлена

\* аер — воздух

бѣша. / О, Божіе дарованіе земнымъ даровася! / Красуйся ты, Богохранимый граде Костромѣ, / и радуйся, Церкве Божіа, / имѣючи в себѣ неизреченное сокровище, / Божіа Матере пречудную икону, / Еяже мы благоволеніе зряще / и умилно поклоняющесе, / усердно целуемъ радостію и страхомъ. / Страхомъ убо грехѣ ради, / яко недостойни суще, / радостію же милости Ея ради, / яко подаётъ намъ греховъ разрешеніе / и велию милость.

**Владычице** Благая мира / и державная наша верныхъ Помощнице, / утверди славыящая Тя, / подаючи на враги победу и одоленіе, / якоже древле царскій градъ спасла еси отъ супостатныхъ, / тако и ныне, Господже, / спаси страну нашу русскую / отъ нашествія агарянскаго / и отъ всехъ наветъ вражнихъ, / о Тебѣ убо вернии люди утверждаются / и сопротивныхъ козни разрушаются, / Ты бо еси всемъ твердый покровъ и спасеніе.

### Слава, и ныне, глас 6:

**Что** Ти принесемъ, / Пресвятая Дѣво Богородице? / Яко явилася еси на земли / палата и престолъ Царевъ / и мѣсто священія, / изъ Тебѣ бо Богъ воплотися, / и лѣствица еси высокая, юже Иаковъ видѣ, / ручка Божественныя манны, / глубина неудобъ видимая, / являешися намъ Божественнымъ Твоимъ образомъ, / паче сапфіра и илѣктра\* сияющи, / чудотворною Твоею иконою, / еюже мы отъ всякихъ бедъ избавляемся, / обильно душамъ и телесемъ нашимъ / отъ всякихъ болѣзней здравіе приѣмлюще, / Твоими Богоматерними молитвами / къ рождаемуся Христу Богу нашему, / ничтоже бо невозможно ходатайству Твоему, / и не забуди, милостиво посещаючи насъ всегда, / якоже древле обещалася еси намъ, / строити и покрывати / христоименитое Твое стадо, рабы Своя.

### На стиховне стихиры, глас 2.

**Подобен:** Егда отъ Древа:

**Егда** огнемъ вещественнымъ / воспалися святая соборная Церковь, / Пресвятая Дѣво Богородице, / тогда великою печалію одержимъ бысть / князь

\* илѣктр— 1) янтарь; 2) сплавъ золота и серебра

великий и людие вси / о чудотворней иконе Твоей,  
Владычице, / мяще ю сгоревшу во пламени огнен-  
нем, / и по тридневнем времени чудесне обретесе в  
пепеле / пречудная икона Твоя, Владычице, цела /  
и никакоже чим вредима сияющи. / Тогда вси  
исполнишася радости, / с воздыханием и слезами  
умильно вопияху Тебе: / слава премному Твоему  
милосердию, Чистая, / яко благоволила еси явити  
нам велию Свою милость.

**Стих:** Слыши, Дщи, и виждь, / и приклони ухо  
Твое.

Егда, Пречистая Дево Богородице, / изиде вели-  
кий князь Василий с людьми своими / в скорби и  
печали велицей и недоумении / противу безбож-  
ных агарян, превозносящихся и высящихся, / и,  
ниоткуда помощи надеющиеся, рабы Твой / токмо  
на Тя, Всепетая, уповаху, / носяще святую и  
пречудную икону Твою, Пречистая Дево, / и  
умильно со слезами вопияху Тебе: / о Пречистая  
Владычице Богородице, / не даждь нас в руки  
безбожных, / хотящих заклати нищих людей Тво-  
их. / Тогда видеша от пречудныя иконы Твоей  
пресветлыя лучи, / паче солнца возсиявшия на  
сопротивных, / и внезапно вси ослепоша беззакон-  
нии, / и страхом великим ужасошася, трепетнии, /  
и вси смятошася и погибоша окаяннии, / мы же  
радостию Тебе вопием, Пречистая: / слава преблаг-  
ному Твоему милосердию, Чистая Дево, / яко спаса-  
еши ны, рабы Твоя.

**Стих:** Лицу Твоему помолятся / богати людстии.

Егда, Пречистая Дево Богородице, / второе вос-  
палися святая соборная церковь, / и горькою  
печалию одержим бысть / князь Василий и людие  
вси, / и скоро стекошася, и горько рыдаху / о  
пречудней иконе Твоей, Всечистая, / мяще ю  
сгоревшу во пламени огненнем, / и, внезапно чудне  
узревше пречудную икону Твою, / Божественным  
Промыслом на воздухе над пламенем стоящу / и  
светло блистанием сияюще, / со слезами и рыдани-  
ем вопияху Тебе, / Владычице Всепетая: / не оста-  
ви нас, сырых, / без Твоего покрова и заступле-  
ния, / но снйди и утеши нищих людей Твоих. / Но,  
о, чудесе преславнаго! / Яко не презрела еси /

моление людей Твоих, Чистая Дѣво, / но благоволила еси прошения их исполнити, / пречудно с воздуха снѣти к нам / чистым образом Своим и Твоего Сына, / на руку держащи Превѣчнаго Младенца и Бога нашего. / Мы же со страхом и любовью Ему вопиѣм: / слава, Человеколюбче, крайнему Твоему сошествію, / яко Благословен еси, / и благоволи помилovati ны, грѣшныя рабы Твоя.

### Слава, и ныне, глас 8:

Приидите, вси вернии Божии людіе, / и внидем в преславную и святую Церковь Богоматере, / се бо благочестия свѣтило возсия в ней, / всечестная и многоцелѣбная икона, / всех празднлюбных соборы просвѣщающа, / чудеса неисчетная содевающа, / всем бо скорбящим подаѣт исцеление / и прогоняет от человек дѹхи лукавыя, / Яже в бедѣх и напѣстех всем бысть Скорая Помощница, / стена и забрало всему Православию и Русстей странѣ, / заступлением Ея вси утверждаются, / богохранимый же град Костромѣ / преславную Ея побѣдою веселится, / и на враги наша вельми ходатайством Ея хвалится, / и всех нас созывает торжествовати Ей. / Приидите, вси вернии, и просветитесь, / в свѣтлѣм торжествѣ Божия Матере воспойте, / приидите, празднлюбцы, вси возвеселитесь, / приидите и видите Божественное сокровище, / приидите, услышите, како прииде к нам Заступница, / войстинну чудо преславное. / Но кто не удивится о сем, православнии, / или кто не прославит Милосердаго Бога нашего / и рождшую Его Пречистую Богородицу, / яко Той ради подаѣт нам / велию и богатую Свою милость.

### Тропарь, глас 4:

**Д**несь свѣтло красуется преименитый град Костромѣ / и вся Русская страна, / созывающа к веселию вся боголюбивыя народы христианския, / на преславное торжество Божия Матере, / пришествия ради чудотворнаго Ея и многоцелѣбнаго образа, / днесь бо явися нам пресвѣтлое великое солнце, / приидите, вси Богоизбраннии людіе,

но́вый Изра́иль, / ко исто́чнику цельбоно́сному, /  
 исто́чаёт бо нам неоску́дныя ми́лости Пресвята́я  
 Богоро́дица / и избавля́ет вся гра́ды и страны́  
 христиа́нския / невредíмы от всех навет вра́жиих. /  
 Но, о Всеми́лостивая Госпоже́, Де́во Богоро́дице,  
 Влады́чице, / спаси́ страну́ на́шу, и архиере́и, и вся  
 лю́ди Твоего́ досто́яния от всех бед / по вели́цей  
 Твое́й ми́лости, да зове́м Ти: / ра́дуйся, Де́во,  
 христиа́ном похвало́.

**Ин тропáрь, глас то́йже:**

**П**рише́ствиием честны́я Твое́й ико́ны, Богоотро-  
 кови́це, / обра́дованный днесь Богохрани́мый  
 град Кострома́, / я́коже дрéвний Изра́иль к киво́ту  
 Завета́, / притека́ет ко изображе́нию лица́ Твоего́ /  
 и воплотившагося от Тебе́ Бо́га на́шего, / да Твои́м  
 Ма́терним к Немú предста́тельством / прýсно ходá-  
 тайствуеши всем, / под сень кро́ва Твоего́ прибега́-  
 ющим, / мир и ве́лию ми́лость.

**НА УТРЕНИ**

**На Бог Господь: тропáрь Богоро́дице, по уста́ву.**

**По 1-м стихослóвию седа́лен, глас 4:**

Божéственными Твои́ми заря́ми просвети́, Чи́-  
 стая Де́во, пою́щих Тя / и ум наш утверди́, крéпкая  
 Помо́щнице, / те́мже вси торжеству́ем Твоего́ чу-  
 дотво́рнаго о́браза прише́ствие, / не престáни,  
 Госпоже́, о нас моли́тиса, / во éже спастиса от бед  
 душáм на́шим.

**Сла́ва, и ны́не, то́йже.**

**По 2-м стихослóвию седа́лен, глас 3:**

Я́ко звезда́ пресвётлая при́иде к нам, / и неизре-  
 чéнным сия́нием озаря́ющи нас, / и просвещáющи  
 скорбьми́ одержи́мыя, и отгоня́ющи тьмы неразу́-  
 мия, / и от прещéния враг избавля́ющи нас, /  
 мо́лимтиса, крéпкая на́ша Помо́щнице и ору́жие на  
 враги́ непосты́дное, / неотсту́пно с на́ми, Влады́чи-  
 це, пребывáти во ве́ки.

**Сла́ва, и ны́не, то́йже.**

### По полиелѣи седáлен, глас 5:

**О** Пресвятáя Богорóдице Дѣво, / безпомóщным Помóще и ненадѣющимся Надѣждо, / Ты еси похва-  
лá нáша и спасѣние. / **О** Небѣсная Царѣце и  
держáвная нáша Помóщнице, / исцели нáша нѣмо-  
щи и áлчущих нас мѣлостію Твоѣю посети,  
Влады́чице, / мо́лимтиса прилѣжно, помѣлуй и  
спасѣ нас.

**Слáва, и ны́не, то́йже.**

**Степѣнна, 1-й антифóн 4-го глáса. Прокѣмен,**  
**глас 4:** Помяну́ имя Твоѣ / во всяком рóде и рóде.  
**Стих:** Слѣши, Дщи, и виждь, и приклони́ ухо Твоѣ.  
**Всякое дыхáние: Евангелие от Лукѣ, зачáло 4.**

**По 50-м псалмѣ стихѣра, глас 6:** Днесь радуется:  
(зри странѣцу 160).

**Канóн Пресвятѣй Влады́чице нáшей Богорóди-  
це Феóдоровстей, глас 4.**

### Песнь 1

**Ирмос:** Отвѣрзу уста́ моя, / и напóлнятся Дúха, / и  
сло́во отры́гну Царѣце Мáтери, / и явлю́ся, свѣтло  
торжествúя, / и воспою́, радуя́ся, То́я чудеса́.

Отвѣрзем уста́, челове́цы, / и язы́к уясним в  
нарóчитый день прáздника нáшего, / явлѣния  
Бóжия Мáтере, чúднаго Ея́ образа прише́ствия, и  
восклѣкнем, раду́ющеса, / воспева́юще Ея́ прес-  
лáвная чудеса́.

Отвѣрзите врата́ душе́вная и слúхи разумныя,  
дщѣри Россѣйскаго, / изыдите на срѣтение Бóжия  
Мáтере образа, / одева́ет бо нагѣя и просвещáет  
тѣмныя, / подава́ющи всем вѣрным целѣбныя  
мѣлости.

Отвѣрзем сон лѣности и грехá тѣгость отложим, /  
очѣстивше со́весть и ум, вни́дем во врата́ Иеруса-  
ли́ма прекра́снаго, Цѣркве Бóжия, / и узрим Небѣс-  
ную зарю́, чúдную ико́ну Бóжия Мáтере, / всем  
пода́юще богáтыя мѣлости.

Отвѣрзи недра́ своя, Бóжия Цѣркве, / и воспри-  
имѣ в сокровище́ всего́ свѣта зарю́ чúдную, Бóжия  
Мáтере ико́ну, / се бо созывáет вѣрныя, исцеля́ет

болящия, и прогоняет от человек дүхи лукавыя, / и творит верным преславная чудеса.

### Песнь 3

**Ирмос:** Твоя песнословцы, Богородице, / Живый и Независтный Источниче, / лик себе совокупльшия, духовно утверди, / в Божественней Твоей славе / венцев славы сподоби.

Твоим певцем, Богородице, милости Твоя даруй, / сохраняючи нас от всех бед и напастей Твоими Матерними молитвами / к рождемуся из Тебе Христу Богу нашему, / да спасет души наша от всех навет вражиих / и подаст нам велию милость.

Твоего образа пришествием, Богородице Дево, всяческая радости исполнила еси, / Вышняя и нижняя Ты совокупила еси, / Ангелом и человеком едина бысть Царица. / Молимтися прилежно, Владычице, / посети наша немощи, исцели болезни душевныя же и телесныя.

Твой образ, Богородице Дево, на обновление наше прииде к нам, / и свет истинный явися нам, просвещая омраченныя, исцеляя болящия, / всем в нуждах Скороая Помощнице и заступление, / Юже мы, яко животу нашему Ходатаицу / и твердое христианом ограждение, величаем.

Твоего образа чудному явлению, Владычице Богородице, / удивившася коstromстии жителие, / видяще преславная и умильно облобызающе, созывающе вся роды христианския: / приидите, Богоизбраннии людие, духовно возвеселитесь, поюще Христа Бога, / даровавшего нам таковое многоценное сокровище, / христианское твердое ограждение.

### Ин кондак, глас 8:

**Б**лагодарственная приносяще Ти, раби Твой, Богородительнице, о всех, / имиже благодяла еси граду нашему, / из глубины души зываем к Тебе и мили ся деем: / не престани, Владычице, / Матерними к Сыну Твоему и Богу нашему молитвами / подавати вся благая и спасительная всем, / верою и любовью вопиющим Ти: / радуйся, Дево, христиан похвало.

### Седáлен, глас 3:

**Д**несь явила еси нам чудную икону Твою, Мати Божия, / ейже дивным пришествием вся люди Своя возвеселила еси, / яко твердое оружие на враги даровала еси, / граду Твоему Костромé и всей Россiйстей странé великая похвало и утверждение.

### Песнь 4

**Ирмос:** *Седяй в славе на Престоле Божества / во облаце легце, / прииде Исус Пребожественный / Нетленною Дланию и спасе зовущия: / слава, Христé, силе Твоей.*

**С**едяй во славе, хвалу приемлещи от Ангел, / послал бо еси, Господи, к нам образ Матере Своея, подай верным целебныя милости. / Возвеселися днесь, вся тварь, / воздух же и море да кропят радость, / яко пришествием премирным Царицына образа преславно вси освятишася.

**С**едяй на Престоле высоче, Владыко Человеколюбче, / благоволил еси явити пречистый образ Матере Своея. / Днесь да возвеселятся православных собори, / еретический же полк да посрамится, видяще Покланяемую верными, / прогоняет бо Та духи лукавыя и подаёт болящим здравие и душам нашим спасение.

**С**емú чудному Божия Матере образу ангельстии чинове раболéпно служат, / почитающе, воспевают Тя, Царицу и Богородицу. / Мы же како Тебе воспоём, недостойнии, / или кое Тебе принесём похваление за многое Твое к нам милосердие? / Яко явлением Твоего чуднаго образа прииде, / вся озаряющи и подающи всем разрешение.

**С**ироты и вдовицы, не плачите, радость ваша прииде днесь, / мертвым живёт возсия, слепым свет облистá, / немощным врачевство отвёрзся и всем верным спасение содеяся / Божия Матере чуднаго образа явлением, / подавает бо всем исцеление.

### Песнь 5

**Ирмос:** *Ужасóшася всячeская / о Божественней славе Твоей: / Ты бо, Неискусобрачная Дéво, /*



имела еси во утробе над всеми Бóга / и родила еси  
Безлётнаго Сына, / всем воспевающим Тя / мир  
подающая.

Удивишася вся видимая и невидимая создания, /  
странствует\* ум человеческий Божественныя  
иконы чудному явлению, / источник бо животеку-  
щий явился нам, / исцеления воды источаючи,  
Всенепорочная, / и пристанище в лютых небур-  
ное, / и всем в нуждах готовое спасение, печаль-  
ным утешение.

Удивишася вся Небесная воинства, радуютжеся  
христианстии роды, / возвеселишася вси преславно-  
му пришествию иконы Божия Матере / и, Гаври-  
илов глас воспримше, вопиют: / радуйся, радости  
Ангелов и человеков, славящих Тя воистинну, / Ты  
бо еси радости Ходатаица и всем верным спасе-  
ние.

Удивляет всяк град и страны преславное иконы  
Твоея явление / и ужасает новаго Израиля, наро-  
ды Россiйския, / притекающия к Твоей милости и  
очи сердца возпуцающия Тебе, Дeво Богороди-  
це. / Не презри, Пречистая, нашего воздыхания, / с  
плачем Тебе вопиющих и колени к землi прекло-  
няющих, / молимтися, Всепетая, буди нам всегда  
покров и Помощница во веки.

Удивися, чертоже, Божия Церкви святая, / вос-  
приими Царицу Небесную и всея вселенныя  
Помощницу, / и радуйся со дщерьми Россiйски-  
ми, / Заступница бо наша прииде к нам дивным  
явлением Своего чуднаго образа, / всех нас на  
духовное веселие созываючи, / одевает бо нагия и  
просвещает темныя, / питает алчущия, и напаяет  
жаждущия, / и всем просящим даёт полезная.

## Песнь 6

**Ирмос:** Божественное сие и всечестное / совер-  
шающе празднество, / Богомудрии, Богоматере, /  
приидите, руками восплещим, / от Нея рождшаго-  
ся Бóга славим.

Божественное есть зело честное торжество  
Божия Матере, созывающе на веселие верныя, /

\* странствует — изумляется

обновляется всяк, приступая с верою, / скверны бо Та всякия очистительна есть. / Священницы, в правду вси облекутся, и преподобнии, возрадуются, / мужие и жены, юноши и девы, возвеселитесь, / и вси рабы Бóга нашего, воспойте, / почтим Чистую в чистоте Богородицу, / подаёт бо нам неизреченныя Своя милости.

**Божественная и ангелоговейная икона Твоя, Богородице,** / прииде к нам за крайнее Твое человеколюбие, / неизреченныя дары всем подающая, / но, о Преплагаго Бóга Мати, / умоли Своё Рождение всем нам полезная дати, / избавитися лютых, глада же и мора, / и сопротивнаго нахождения, и воднаго истопления, / труса и озлобления от тлетворных ветров. / Ты бо еси готовая Помощница и неложная наша всем верным Заступница.

**Божественное и чудное явление Божия Матере,** / дивное Пречистыя образа пришествие, / горю удивляет Ангелы, доле же созывает род человеческий единогласно вопити: / слава Христу Бóгу, / благоизволившему таковое неизреченное сокровище нам объявити, / и милость удивити, и от пламени и огня невредиму сохранити икону Богоматере. / О, Божие дарование даровася! / Еяже молитвами, Христё, спаси души наша, яко Милосерд.

**Божественнаго Твоего чуднаго образа явление, Богородице Владычице,** / всем верным свет возсия: / мёртвым живёт, слепым свет, глухим слышание, / немым глаголанье, разслабленным здравие, прокаженным очищение, / беснующимся целомудрие, младенцем воспитание, вдовицам и сиротам промышление, / неплодным женам разрешение, / плод носящим неболезненное рождение, / девическая чистота и воздержание всем. / В нуждах, Скоропомощнице, молимтися, помилуй нас.

### Кондак, глас 8:

**П**ритецем, людие, вси к тихому и доброму пристанищу, / в дом Божия Матере, / чудному образу Царицы и Богородицы, / за неизреченную милость Ея явленному, / верно припадающе и вопиюще: / о Семилостивая Владычице, / за спа-

сительное Твое смотрение, / чуднаго образа к нам  
пришествие, / посети нас, грешных, светло сотво-  
ряющих празднество Твое, / укрепі страну нашу, /  
дивно на враги победу подаючи, и веру утверди. /  
Церковь Сына Твоего непоколебиму соблюди, /  
притекающих к Тебе спаси, от всяких напастей  
избави, / сохраняючи в мире все Православие, да  
зовем Ти: / радуйся, Невесто Невестная.

### Икос:

**П**речуднаго Царицына образа, к нам пришедша-  
го, явление видяще, / на высоту добродетелей  
вознесем, ум предложше на Небо, / Еяже ради  
Вышний на земли явися, хотя привлещи к высоте  
вопиющих Ей: / радуйся, Благословенная Дево, от  
всех родов Богоизбранная; / радуйся, Небесная  
Царице, Мати Господа Бога, Творца всех. / Радуй-  
ся, всерадостное ангельское немолчное пение; /  
радуйся, всегда желательное и несбытное челове-  
ческое зрение. / Радуйся, крепкое веры обновле-  
ние; / радуйся, истинное веры познание. / Радуйся,  
небесных со земными соединившая; / радуйся,  
земных к Богу присвоение. / Радуйся, печальным  
душам утешение; / радуйся, больным посещение и  
прокаженным очищение. / Радуйся, глухим слы-  
шание и хромым хождение; / радуйся, узником  
свобождение и грешным прощение. / Радуйся,  
алчущим Кормительнице и нагим одеяние; / радуй-  
ся, странным путю водительный и обуреваемым  
пристанище. / Радуйся, старости жезле и сиротам  
промышление; / радуйся, младенческое воспита-  
ние и девствующим целомудрие. / Радуйся, всех  
родов веселие и всем христианом поможение и  
заступление, / ихже соблюдай от всех бед, да зовем  
Ти: / радуйся, Невесто Невестная.

### Песнь 7

**Ирмос:** *Не послужиша твари Богомудрии / паче  
Создавшего, / но, огненное прещение мужески  
поправше, / радовахуся, поюще: / препетый отцев  
Господь и Бог, благословен еси.*

**Не послужиша твари паче Творца Богомудрии  
народи Россійстии, / но приидите, почтим Чистую**

в чистотѣ Божія Матере икону, / воздѣвше рѹце на высотѹ, вопиѣм Ей: / о Препоблагословѣнная в женахъ, Дѣво, Божіе жилище, / христіаном еси помощъ и заступлѣние, / правобѣрным и поклоняющимся Твоей чудотворней иконѣ, / всем полезная подающи.

**Небѣснии чинове** со земными веселятсѹ / в свѣтлое торжество, явлѣние Божія Матере иконы, / нас же, предстоящих, просвети, Пресвятая, свѣтом Твоей милости, / умоли Своѣ Рождѣние подати странѣ нашей на враги победѣние / и всем бѣрным помощъ и одолѣние, / и от всех навѣт свободѣние, и грехов оставлѣние, / и душам спасѣние даровати, молимся.

**Небо** и земля днесь пророчески да возвеселятсѹ, / Ангели и челоуѣцы духовно да торжествуют / и вся тварь да поѣт Господеву песнь немолчную, сотворшему вся, / почитающе священное торжество Божія Матере, чуднаго образа явлѣние. / О, паче ума чудес Твоихъ, Господи, яже сотворил еси на Тя надѣющимся, / стѣну и помощъ небориму людем Своим даровал еси, образ Матере Своея, / Юже мы почитающе, вопиѣм: / радуйся, Всеблагословѣнная Богородице, Чистая Приснодѣво.

**Нѣне** настѹ время, освящающее нас / и очищѣние подающее обремененным грехи многими, / Мати Бѹга Вѣшняго дивным пришествием пречистаго Своего образа / всем полезная подаѣт и вся спасаѣт. / О лѣнѣвии, бѹдренно станите, и спѹщии, от сна востаните / и разслабленни, ѹды укрепите, к цельбонѹсному Источнику усердно притецѣте. / Поклоняемсѹ чудней иконѣ Божія Матере и почитаем ю раболѣпно, / непоклоняющихся бо омрачаѣт и непочитающихъ погубляѣт, / и поклоняющихся и чтущихъ избавляѣт от великихъ бед и зол, / благонравныя и богобоящияся рабы Своя.

### Песнь 8

**Ирмос:** **Отроки** благочестивыя в пещи / Рождество Богородичо спасло есть; / тогда ѹбо образѹемое, / нѣне же дѣйствуемое, / вселенную всю воздвизѣетъ пѣти Тебѣ: / Господа пойте, дела, / и превозносите Егѹ во вся вѣки.

**О,** преслáвных чудес Твоих, Пречистая Дéво! / Кто по достоянью похвалити возмо́жет днесь / или воспéти преслáвная Твоя́ величия? / Днесь бо ра́дости вся испóлнила еси́, Вь́шняя и нй́жняя, / явлéнием чýдныя Твоея́ ико́ны, вёрным явй́ся сокрóвище неоскúдное, / и правослáвных рóди вси просветй́шася, / басурмáнския и еретй́ческия кóз-ни вся посрамй́шася. / Бéгают же рóди чёрнии, не смéют взирáти на сй́лу Твою́, / нас же, вёрных всех, помй́луй и спасй́, Влады́чице.

**О** Пресвятáя Дéво Богорóдице и Небéсная Царй́це, / Мáти Христá Бóга и Царя́ всех, / вь́шши еси́ всех А́нгел и Архáнгел и всея́ твáри честней́ши, / Помóщница еси́ обй́димых и ненадéющимся надéжда, / печáльным утешéние и всем в нýждах Скорая Помóщница, твёрдое нáше ограждéние. / Что принесём Твоему́ величеству, / или́ кáко похвáлим, недостóйнии? / Но тóчию: ра́дуйся, животá нашего́ и воскресéния Мáти, / всех нас помй́луй, Благословéнная.

**О** вели́кое нáше заступлéние и похвалó, / ра́дос-те нáша и весéлие, Пресвятáя Богорóдице, / христиáнский щй́те и ору́жие на врагй́, крéпосте нáша и заступлéние! / Кто, притекáя к Тебé, и посрámлен от Тебé исхóдит, / или́, призывáя Тя, не услы́шан бывáет, / или́, прося́ от Тебé, что не приёмлет? / Ничтóже бо невозмóжно ходáтайству Твоему́, / но, о Всепéтая, мо́лимся, Пречй́стая: / Источниче приснотеку́щий, исцели́ нéмоци нáша, рабóв Твоих.

**О** дй́вная нáша похвалó, пáстырю наш дóбрый и учй́телю наш премýдрый, / Небéсныя премýдрости испóлнена, Пресвятáя Богорóдице, / приими́ молéние нáше, раб Своих, / испóлни ра́дости вся правослáвныя, / не й́мамы бо инй́я пóмоци, кромé Тебé, / на Тебé бо надéемся и Тобóю хвáлимся всегдá, / Ты бо еси́ нелéстное нáше пристáнище, помй́луй срóдное Твоé достоя́ние, / подáждь утешéние всем, полéзное рабóм Своим.

### Песнь 9

**Ирмóс:** *Всяк земнорóдный / да възигра́ется, Дý-хом просвещáемь, / да торжествует же Безплóтных*

умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.

**В**сяк земнородный поистинне да възиграется, Духом просвещаемь. / Но кто от человек не почудится преславному Божию Матере явлению? / Никтоже буди уныл, / отложивше сетование, в радость облечытеся вси, / приидите на видение преславнаго чудесе. / Како прииде к нам Заступница рода нашего? / О, чудесе новаго! / Еяже ради, Христэ Боже, спаси души наша, яко Милосерд.

**В**сяк род Небесных, и земных, и преисподних да поклонится и поет, / всяк язык исповесть, яко войстинну чудо преславно Божию Матере. / О Всепетая Чистая, Пресвятая Владычице, / в милости Скороая Помощнице, призри оком Своим, Милосердая, / и избави рабы Своя, Тебе призывающия, от лютых болезней и стрел лукаваго. / Величия бо Твоя кто повесть? / Всем бо требующим точиши чудеса, и изливаеши исцеление, / и молишися за души наша, яко сущи Милостивая всем Заступница.

**В**оспойм, вси вернии, Божию Матерь, / созывающе на пение вся чины Небесныя, Ангелов и Архангелов, / пророков и апостолов, иерархов и мучеников, / преподобных и праведных и всех святых Божиих угодников. / Ты же, Владычице, плач рабов Своих обрати на веселие, / и исцели болезни тяжкия, / и подаждь вместо печали веселие, / о Крепкая наша Помощнице, всем печальным утешение, / вонми молению раб Твоих и спаси Тебе величающих.

**О** Всепетая Мати Благословенная, / рождающая всех святых Святейшее Слово, Христа Бога нашего, / нынешнее приношение прими, от недостойных устен приносимое, брэнною рукою сотворенное, / никакоже достоин есмь на сие, Владычице, / но, надеясь на Твоя щедроты и милосердие, / препростое пение принесох Ти, Всепетая. / Вем, Спасителя всех родила еси, нас ради на землю сошедшаго, / не возгнушайся, Дево, непотребнаго, / но прими, Царице, сие и помилуй мя.

**Светѣлен:**

**Пречѣистый образ Твой, Богородице Владычице, имже посетила еси нас, / яко неизреченный некий дар восприемше, / мы, недостойнии, празднуем светло и весело вси торжествуем, веселящися, / от бед и напастей свободяемся / и здравие приемлем Твоими Богоматерними к Богу молитвами.**

**Слава, и ныне, тойже.**

**На хвалитех стихиры на 4, глас 1.**

**Подобен: О, дивное чудо:**

**О, великое заступление / печальным еси, Богородице Чистая, / Скоро Помощнице, / спасение миру и утверждение, / милости пучино, Божия мудрости источнице, / миру покрове; / воспоем, вернии, / пречудное явление иконы Божия Матере: / Обрадованная, радуйся, с Тобою Господь, / подай миру Тобою велию милость.**

**О, преславное удивление, / Царицына образа пришествие, / всем верным спасение и укрепление, / Божественное и преславное торжество, / Божия Матере пречудная иконы явление, / милости бо Та благая пучина / и всем верным исцеление, / воспоем, праввернии, / Всемилостивую христианом Защитницу: / Обрадованная, радуйся, с Тобою Господь, / подай миру Тобою велию милость.**

**О, великое верным дарование пречудное / Заступницы нашей явися / пришествие чудотворного образа, / всем убо бывает больным исцеление, / грешным спасение и разрешение. / Приидите, вси праввернии, / и, жаждущии, насладитесь, / подаёт бо Пречистая всем неоскудная милости, / воспоем, празднлюбнии, / Небесную Царицу и Богородицу: / Обрадованная, радуйся, с Тобою Господь, / подай миру Тобою велию милость.**

**Слава, и ныне, глас 5:**

**Вострубим трубою песней, / и възграем празднственная, / и ликовствуем, радующеся, / в настоящее торжество явления иконы Божия Матере, / похвалами величаем Ю, ублажающе. / Людие да**

стеку́тся / и Цари́це да воспле́щут в пѣснех, Царя́ ро́ждшей, / сме́ртию одержи́мая пе́рвее / разреши́ти человеколю́бно благоизво́лившаго. / Па́стырие и учи́телие, Добра́го Па́стыря / Пречи́стую Ма́терь, соше́дшеся, восхва́лим, / све́щник златоза́рный и светонóсный о́блак, / Небѣс простра́ннейшую, / одушевлѣнный ковчѣг, / огнезра́чный Влады́чень Престо́л, / манноприѣмную злату́ю ста́мну, / заклю́ченную Сло́ва дверь, / всем христиа́ном Прибе́жище, си́це рцем: / пала́то Сло́ва, сподóби нас Небѣсна́го Ца́рствия, / вся бо возмо́жна суть ходата́йству Твоему́.

**Славосло́вие вели́кое. И отпу́ст.**

**На Литурги́и служба Богоро́дицы.**

### **Моли́тва**

**О** Пресвята́я Влады́чице Богоро́дице и Присноде́во Мари́е, еди́ная наде́ждо нам, грѣшным! К Тебе́ прибега́ем и Тебе́ мо́лим, я́ко ве́лие имаши дерзнове́ние пред ро́ждшимся от Тебе́ по плóти Го́сподем Бо́гом и Спаси́телем на́шим Иису́сом Хри́стом. Не прѣзри слез на́ших, не возгнуша́йся воздыха́ний на́ших, не отри́ни ско́рби на́шей, не посра́ми упова́ния на́шего на Тя, но ма́терними моле́нии Твои́ми умоли́ Го́спода Бо́га, да сподóбит нас, грѣшных и недостóйных, свободи́тися от грехов и страсте́й, душе́вных и телѣсных, умре́ти ми́ру и жи́ти Ему́ Еди́ному по вся дни живота́ на́шего. О Пресвята́я Влады́чице Богоро́дице, путеше́ствующим спутеше́ствуй и огражда́й и охраня́й о́ныя, изба́ви плѣнных от пленѣния, свободи́ стра́ждущих от бед, утѣши су́щих в печа́ли, ско́рбех и напа́стех, облегчи́ нищету́ и вся́ко злострада́ние телѣсное и да́руй всем вся потре́бная к животу́, благоче́стию и жи́зни вре́менной. Спаси́, Влады́чице, вся страны́ и гра́ды и сию́ страну́ и сей град, ѡ́мже сия́ чудотво́рная и свята́я ико́на Твоя́ даде́ся в утѣше́ние и огражде́ние, изба́ви я́ от гла́да, губи́тельства, тру́са, пото́па, огня́, мечá, наше́ствия инопле́менных, междоусóбных брани́ и отврати́ вся́кий гнев, на ны пра́ведно двѣжимый. Да́руй нам вре́мя на пока́яние и обра́щение,



избави нас от внезапных смертей и во время исхода нашего предстани нам, явльшися, Дево Богородице, и избави нас от воздушных мытарств князей века сего, сподоби на страшном Судищи Христове стати одесную и содейлай нас наследники вечных благ, да славим во веки великолепое Имя Сына Твоего и Бога нашего, со Безначальным Его Отцем и Святым, и Благим, и Животворящим Его Духом, ныне, и присно, и во веки веков. **Аминь.**

**Ину молитву Феодоровстей иконе Пресвятыя Богородицы зри 14 марта.**

**Феодоровская-Костромская икона Божией Матери** написана, по преданию, святым евангелистом Лукой, подобно Владимирской и Смоленской. По иконографии Феодоровская икона очень близка к Владимирской.

Название свое икона получила от имени великого князя Владимирского Ярослава Всеволодовича (†1246), носившего во Святом Крещении имя Феодор (в честь святого великомученика Феодора Стратилата). Икона была обретена 16 августа князем Василием Ярославичем в местечке Запрудня, где был впоследствии построен Спасский храм, в котором хранилась икона. В память об этом обретении иконы было установлено празднование 16 августа. После гибели святого Георгия Всеволодовича в битве с татарами на реке Сити, его брат Ярослав-Феодор, ставший великим князем Владимирским, торжественно перенес в 1239 году мощи святого Георгия из Ростова Великого в Успенский собор Владимира-на-Клязьме. Оставшейся от брата иконой он благословил в том же году своего сына святого Александра Невского (память 23 ноября) на брак с полоцкой княжной, дочерью полоцкого князя Брючислава.

Чудотворная Феодоровская икона Божией Матери — благословение родителя — стала моленным образом святого Александра Невского и постоянно находилась при нем. После смерти святого Александра Невского (†14 ноября 1263) икона была взята его младшим братом Василием Ярославичем, в то время князем Костромским (в 1272—1276 — великий князь Владимирский).



Феодоровская икона была перенесена князем Василием в Кострому, в собор святого великомученика Феодора Стратилата. В 1272 году, когда к Костроме подступили татары, икона была обнесена вокруг русского войска. При приближении татар от нее стали исходить яркие лучи, вызвавшие у захватчиков невольный страх. Они были разгромлены русскими и бежали.

После кончины князя Василия, обретшего место последнего упокоения в Костроме (†1276), Феодоровская икона была вновь поставлена в соборе во имя святого Феодора Стратилата.

Через чудотворную икону жители Костромы не раз получали благодатную помощь Царицы Небесной в течение нескольких столетий. Знаменательно, что конец Смутного времени, вызванного польско-шведской интервенцией и выступлениями самозванцев Лжедмитрия I и Лжедмитрия II, связан с благословением Феодоровской иконой, которое преподала инокиня Марфа своему сыну Михаилу Феодоровичу Романову при избрании его на царство в Костромском Ипатиевском монастыре 14 марта 1613 года. В память об этом историческом событии было установлено празднование Феодоровской иконе Божией Матери 14 марта. Царица Марфа принесла с собой в Москву список с чудотворной иконы. Появились и другие списки. Со второй половины XVII века получили распространение иконы Феодоровской Божией Матери с клеймами, изображающими события из истории чудотворного образа. В 1670 году иеродиакон Ипатиевского монастыря Лонгином было составлено «Сказание о явлении и чудесах Феодоровской иконы Богоматери в Костроме».

Городецкий монастырь (на месте часовни, близ селения Городец) с храмом в честь Феодоровской иконы Божией Матери, устроенный в незапамятные времена, был вновь освя-

щен после возобновления в 1767 году, во время посещения Екатериной II. В 1830 г. в г. Балахне прославился изобавлением от холеры один из списков Феодоровской иконы.

Феодоровская икона Богородицы — двусторонняя. На обратной стороне ее изображен образ святой великомученицы Параскевы, облаченной в княжеское одеяние. Есть предположение, что появление этого образа связано с супругой святого Александра Невского, получившей во Святом Крещении имя Параскевы (по другим сведениям, она была тезоименитой супругу). Празднование Феодоровской иконе Божией Матери совершается также 14 марта.

### Литература

1. Благодеяния Богоматери роду христианскому чрез Ее святые иконы. СПб., 1905.
2. Бухарев Н., протоиерей. Чудотворные иконы Пресвятой Богородицы. М., 1901.
3. Розанов А. А. Явленная чудотворная Феодоровская икона Богоматери. Изд. 2-е. М., 1885.
4. Сперанский Н. Сказания о чудотворных иконах Божией Матери, более известных и особенно чтимых в среде православного русского народа. Изд. 4-е. Смоленск, 1899.
5. Покров Пресвятой Девы Богородицы над Россией. М., 1845.

В  
ТОЙЖЕ  
ДЕНЬ



## Святáго мученика Диомíда врачá

зри Служба святáго Диомíда поётся на повечерии

### Тропáрь, глас 3:

**М**учительнии сосуди устроиша ти путь к Небесем, / Христов воине Диомиде, / победив дьявольския козни, / и на Небесех у Христа прославися, / молися за творящих верою память твою.

### Канон святáго Диомíда, глас 4.

#### Песнь 1

**Ирмос:** Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той чудеса.

**С**вѣтом озаряемъ трисолнечнымъ, / разреши мракъ,  
блаженне, неразумия моего, / яко да воспою свето-  
носную твою память и исправление жития твоего.

**Страстей** неприятен помысл соделав, / приятел-  
лице, славне, явился еси Духа / и источил еси  
исцелений пучину, всю потопляющую недугов  
скверну.

**Жизни** желая безконечныя, / чашу смертную,  
прехвально, испити потщался еси, юже и получил  
еси, / якоже вестъ Звавый тя к венцу неувядающе-  
му, мучениче непобедимый.

**Богородичен:** Граде одушевленный Царя, Все-  
непорочная, / странное рождество и Божествен-  
ное успение показавшая, / град Твой от всякаго  
труса и падения покажи невредим.

### Песнь 3

**Ирмос:** Твоя песнословцы, Богородице, / живый  
и независтный Источник, / лик себе совокупль-  
шая, духовно утверди, / в Божественней Твоей  
славе / венцев славы сподоби.

**Неизглаголаным** и Божественным рукодей-  
ством очищая страсти человеков, / от Бога даро-  
вался еси верным врач изряден и молитвенник  
тепл, / тя чтущим, пребогате.

**В** путь свидений Твоих теку и Твоей подобяся  
страсти вольней, — / мученик взываше, на заколе-  
ние влеком, — / к Тебе, единому Богу нашему.

**Славный** мученик Диомид, нас созвав тайно на  
трапезу днесъ, / предлагает страдания своя, якоже  
брашно невестественное, / вернии, приидите, на-  
сладимся.

**Богородичен:** Град Твой сей от всякаго труса и  
падения, Чистая, / яко на Тя, Богоблагодатная,  
возложенъ есть, избави / и в мире сохрани и  
единомыслии, Богоневесто.

### Седален святого, глас 4.

**Подобен:** Вознесыйся:

**Даров** Божественных исполнен, душ показался  
еси врач и телес, / и, мученическим благославием  
обогатився яве, / радуясь, пришел еси ко обителем  
присноживотным. / Темже, святую твою праздну-

юще пámять, взыва́ем: / помяни́ нас, тя чту́щих,  
Богому́дре и пребога́те.

#### Песнь 4

**Ирмос:** *Неизсле́дный Бо́жий Совет / е́же от Де́вы,  
воплоще́ния / Тебе́, Вышня́го, / проро́к Авваку́м  
усмотря́я, зовя́ше: / сла́ва си́ле Твое́й, Го́споди.*

Сло́во Божество́ннаго ра́зума, я́ко реку́, нося́ в  
се́рдцы, / пото́пи преле́сти пото́ки и идо́льскую  
кре́пость до ко́нца погрузи́ / му́ченик Диоми́д  
сла́вный.

Воссия́, я́ко со́лнце на земли́, заре́ю добродете́-  
лей и чуде́с бога́тством / и просвети́ ве́рных  
правосла́вныя собо́ры / му́ченик Диоми́д всему́д-  
рый.

Врачевство́ безме́дно твой храм всем, ве́рою  
притека́ющим, яви́ся, преблаже́нне, / и забра́ло  
твёрдо Ца́рскому гра́ду, / упражня́я нашество́вия  
инопле́менных враг.

**Богородичен:** Стра́нно Твое́ рождество́, я́ко и  
честно́е успе́ние, показáся, Пренепоро́чная Благо-  
словенна́я, / е́же град Твой почита́ет, инопле́мен-  
ных избега́я вре́дов / тёплым Твои́м предста́тель-  
ством.

#### Песнь 5

**Ирмос:** *Ужасо́шася вся́ческая / о Божество́нной  
сла́ве Твое́й: / Ты бо, Неискусобра́чная Де́во, /  
имела́ еси́ во утробе́ над все́ми Бо́га / и родила́ еси́  
Безле́тнаго Сы́на, / всем воспева́ющим Тя / мир  
подава́ющая.*

Яви́лся еси́ без кро́ве му́ченик досточу́ден, / без  
боле́зней венечник, без язв победи́тель изря́ден, /  
полки́ враго́в низлага́я твои́ми по́двиги, Диоми́де  
блаже́нне.

Свет тебе́ воссия́, су́щю пра́ведну, неугаси́мый, /  
сего́ же супру́г, Богому́дре, тебе́ весели́е послéдо-  
ва, / я́ко пра́ву иму́щу ду́шу, всем послéдующу  
Спа́са повелéнием.

Свёта лишáются у́бо телёснаго мучи́тели, твою́  
главу́ по кончи́не отсéкшии, / но душе́внии свето-  
за́рно зéницы отверза́ются, / Христу́ ве́рою при-  
сту́пльше, Диоми́де чу́дный.

**Богородичен:** Забрало имѣя Царскій град, Тя, Царицу и Господю, / побеждаетъ варваровъ зверина стремлѣнія, / избавляется всякихъ напастей, растёт и утверждается, / Богомати Всенепорочная.

### Песнь 6

**Ирмос:** Божественное сіе и всечестное / совершающе празднество, / Богомудрии, Богоматере, / приидите, руками восплещим, / от Нея рождшагося Бога славим.

Твоихъ подвигъ течениемъ погрузилъ еси врага безплотнаго / и чудесъ твоихъ источениемъ омываеши страстейъ многовидныя скверны, досточудне.

Божественными дыханіи движимъ, Вѣшнимъ мановѣніемъ окормляемъ, / к тихому пристанищу правѣ достигл еси, / о насъ молися, мучениче прехвальне.

Страстейъ пажити потребляются неизглаголанымъ рукодѣйствіемъ твоимъ, славне, / и отгоняется полкъ демонскій Божественнымъ твоимъ предстательствомъ, / мучениче присноблаженне.

**Богородичен:** О Тебѣ, Дѣво, хвалимся, / Тобою от врага избавляемся, / надеяніемъ Твоимъ нашѣствия не убоимся врагъ иноплемѣнныхъ, воспевающи Тя.

### Кондакъ, глас 2.

**Подобен:** Вѣшнихъ ищя:

**И**стинный и непобѣдимый стратотѣрпецъ, / благочестія и благодати Небесный тайнникъ явлься, / Диомиде преславне, / победивъ мучителя и победоносецъ быв, / венцы побѣдными прославися.

### Песнь 7

**Ирмос:** Не послужиша твари Богомудрии / паче Создавшаго, / но, огненное прещѣние мужески поправше, / радовахуся, поюще: / препѣтый отцевъ Господь и Бог, благословен еси.

Отсѣчена бѣвши, глава твоя светъ облистá сумудрымъ, / юже, яко живу, видеви, устыдѣся мучитель, умерщвленъ умомъ, / не разумѣ же вопити, преславне: / Боже, благословен еси.

Совлѣклся еси умерщвлѣнія, славне, ризы злообразныя, / в безсмертія одѣжду краснѣю благодати.

тию облéклся./ Тёмже Влады́це твоему́ вопи́еши, ра́дуясь./ Бо́же, благословён еси́.

**Огнём** терпéния попалíл еси́ вéщную лeсть врагóв,/ богоси́янна же звезда́ яви́лся еси́ исцелéний, мучени́че, облистáя лучи́ зову́щим:/ о́тец наших Бо́же, благословён еси́.

**Богорóдичен:** Цари́ца ми́ра, рóждшая Царя́ Христа́,/ изба́ви тли, и тру́са, и язы́к най́тия Царствую́щий град, Влады́чице,/ благословён,— пою́щий,— Плод чре́ва Твоего́.

### Песнь 8

**Ирмо́с:** **О**троки благочестíвыя в пещи́/ Рождество́ Богорóдичо спасло́ есть,/ тогда́ у́бо образуемое,/ ны́не же де́йствуемое,/ вселéнную всю воздвизáет пéти Тебе́:/ Го́спода по́йте, дела́,/ и превозно́сите Его́ во вся вéки.

**Но́ги** честны́я тво́я, страстотéрпче, ко стезя́м мучéния напра́вишася,/ ходят же ны́не, ра́дующеся, во странé живу́щих, премудре, в райстей пи́щи./ Тёмже и, соше́дшеся, чтим, воспева́юще Христа́ во вéки.

**Исплетéся** тебе́ вене́ц нетлéния, твёрдо подвиѓшуся/ и победíвшу зми́я злоначáльнаго, мучени́че достохва́льне,/ и страда́льческий лик ты при́ят, Го́спода по́йте,—вопи́юща,—/ и превозно́сите Его́ во вéки.

**Чудéс** испущáеши лучи́, Божéственною оде́ян, мучени́че, си́лою,/ уставля́еши болéзни, решíши недуги́, отгоня́еши дýхи лука́выя, вопи́я:/ Го́спода по́йте, дела́, и превозно́сите Его́ во вéки.

**Богорóдичен:** Мнóгими прилóги грехóвными преклонéни,/ к Твоему́ непреклóнному покрóву прибега́ем:/ утверди́ рабы́ Тво́я, на стра́сти укрепí/ и от тру́са, и гла́да, и язы́к нашéствия, Дéво, изба́ви Твоё ста́до,/ я́ко на Тя возложено́ есть.

### Песнь 9

**Ирмо́с:** **В**сяк земнорóдный/ да възигра́ется, Духом просвещáемь,/ да торжествует же Безплóтных умóв естество́,/ почита́ющее священное торже-

**ствó Богомáтере, / и да вопиét: / рáдуйся, Всебла-  
жénная Богорóдице, / Чíстая Приснодéво.**

**Обрёл есй възмэздие трудóв, горé тебе уготóвль-  
шуюся пíщу, / идéже водворяяся, украшен мýче-  
ническими добрóтами, / наслаждáешься Зиждíte-  
ля твоегó красоты, / прося, мýчениче, чтúщим тя  
очищénия и зол избавлénия.**

**Столп добродéтелей и вéры утверждénие, забрá-  
ло недвижимо, / и стенá непреклонíма показáлся  
есй, мýчениче, Цérкви Христóве, / и рекá исцелé-  
ний, источáя тóки врачевáния безмэдна / любó-  
вию творящим твою пáмять, преслáвне.**

**Отгна́л есй от земли́ и́дольское безбóжие, потре-  
бил есй мглу / и к невечérней зарí приложíлся есй  
светоначáльные жизни, / ея́же явлénия, слáвне,  
пéрвее стяжáл есй, / отонúдными сия́нии озаря́емь  
и рáдости присносúщныя исполня́ясь.**

**Богорóдичен: Гра́де Бóжий, вóньже Сам всели́-  
ся, войстинну непоколебíмый, / избáви ста́до Твое  
трúса, Дéво, и падénия, вáрварскаго пленénия, /  
огня́ и мечá врагóв, от всякаго, Пречíстая,  
озлоблénия / тёплым ко Христú предстáтельством  
Твоим.**

#### **Стихи́ры свята́го Диомíда, глас 4.**

**Подóбен: Я́ко дóбля:**

**Исцелíти стра́сти, отгонíти недúги, / прогна́ти  
дúхи лука́выя / дéйством Свята́го Дúха, пребла-  
жénне, сподóбился есй, / потребíв мýжески е́ллин-  
ския слúжбы / противлénием страдáния, мýчениче  
венце́нóсче, / сограждани́не А́нгелом, / страсотéр-  
щем единосéльниче.**

**Пóдвигом подвизáлся есй, / и течénие скончáл  
есй, / и вéру, слáвне, соблю́л есй, / и к Бóгу отшéл  
есй, / даровáние чудес от Него́ приéм / и побéды  
венéц неувядáемый, / я́ко непобедíм мýченик, / я́ко  
Вы́шняго Цáрствия наследник, / о ми́ре моли́ся.**

**Слáва:**

**В пу́ти мучénия Твоегó, / я́ко в богáтстве,  
красу́ясь, / Диомíд, Гóсподи, во́лею Твоею / свой  
дух в ру́це Твой, Христé, предаде́, усéчен в главú, /  
и по кончíне блажénней / быв наста́вник йстин-**

ный безбóжным, / ослéпшим, и преслáвно véрою прозрévшим.

**И ны́не, вмéсто Богорóдична или́ Крестобогорóдична, поём: Достóйно есть:**

**Мученик Диомид** родился в Тарсе Киликийском, по профессии был врачом, а по вере христианином и лечил не только от телесных, но и от душевных болезней. Многих язычников он просветил верой во Христа и крестил. Церковь чтит его как целбника и призывает его имя при совершении Таинства Елеосвящения.

Святой Диомид много путешествовал, обращая людей к истинной

вере. Когда он пришел в город Никею, император Диоклитиан (284—305) послал воинов взять его. По дороге из Никеи в Никомидию он сошел с телеги, чтобы помолиться, и умер. В доказательство исполненного поручения воины отсекали ему голову, но сами ослепли. Диоклитиан приказал отнести голову обратно к телу. Когда воины исполнили приказ, они прозрели и уверовали во Христа.

В  
ТОЙЖЕ  
ДЕНЬ



## Преподóбнаго Иоакíма Сарандапóрскаго, Осоговскаго

**Тропа́рь, глас 1:**

**П**усты́нный жи́тель, и в телеси́ а́нгел, / и чудот-  
во́рец яви́лся еси́, Богоно́се о́тче наш Иоакí-  
ме, / постóм, бде́нием, моли́твою, / Небéсная даро-  
ва́ния при́йм, / исцеля́еши недúжныя и дúши  
véрою притека́ющих ти. / Сла́ва Дáвшему тебе́  
крéпость; / сла́ва Венча́вшему тя; / сла́ва Дéйстви-  
ющему тобо́у всем исцелéния.

**Конда́к, глас 2.**

**Подóбен: Твёрдыя véры:**

**В** моли́твах не усыпáя, преподóбне, / восприём  
си́лу на сопроти́внаго врага́, / терпéнием бо  
свои́м, о́тче Иоакíме преподóбне, / возше́д на  
Небеса́ / и жизнь тлéнную оста́вив на земли́, / на  
нетлéние пресели́лся еси́ Небéсное. / Тёмже тя  
хвала́ми вси прославля́ем.

**Преподобный Иоаким Осоговский** был одним из четырех великих отшельников Болгарских, возбудивших своими подвигами сотни и тысячи людей к христианскому подвижничеству. Он жил в XI в., никем не знаемый, в пещере на Осоговской горе. Уже перед кончиной его случайно встретили два охотника, которых

он благословил на удачный лов. Кончина преподобного последовала, как он открыл в посмертном видении, «перед великим мраком (т. е. затмением) прежде восьми лет», т. е. предположительно в 1115 г. Впоследствии на месте его подвигов была устроена обитель.